

李文恭公遺集

李文恭公奏議卷十九目錄

湘陰李星沅石梧著

男

榛概

編次

江督

河庫動用減平銀兩摺子

河營參將要缺請仍以前揀之員升補摺子

河員代交賠項已逾七成懇俟補官扣廉摺子

附奏通飭河工員弁各駐工次片子

附奏察看現署總兵田浩然請俟年底考核片子

附奏辦理洋盜情形片子

奏報空運灌放第一塘日期摺子

奏保防工出力人員摺子

奏謝霜降安瀾議敘摺子

述職請

覲摺子

變通南河大挑知縣借補章程摺子

附奏拏獲日照匪徒解歸山東辦理片子

附奏委署通州知州片子

附奏掣卸石工片子

附奏遵

旨代謝 河神片子

附奏甄別河員片子

請催空運後船摺子

覆奏遵

旨訪察民夷聚集情形摺子

查明鹽場已未成災情形摺子

查報駱馬湖租錢文動存實數摺子

查報空運灌放第二塘日期摺子

鹽場秋收分數摺子

覆奏捕務章程摺子

特參南河候補通判孫旅摺子

附奏請撥九江關稅以備歲料片子

附奏保薦人員續犯劣蹟請

旨議處片子

奏報空運全數渡黃完竣摺子

附奏堵築義河並回省日期片子

甄別同知通判摺子

附奏降補南河候補通判片子

請修營房估需銀款摺子

附奏請裁河工浮費片子

附奏運庫票稅銀兩毋庸動借片子

奏報回省日期並賑務河務現辦情形摺子

揀員調補甘泉縣知縣摺子

奏報兵勇赴浙協勦洋盜屢有斬獲摺子

海州沐陽境內薔薇等河挑竣摺子

動項補造風損撥船摺子

淮南成災各場應需接濟摺子

附奏賑卹鹽屬災區動撥銀穀各數片子

揀員請補阜甯縣知縣摺子

附奏委署華亭縣知縣片子

覆奏承審案件各員并無積壓摺子

奏報南河四道辦理另案各工動用銀數摺子

查明南河四道工用銀數比較往年開單摺子

籌備防守凌汛事宜摺子

附奏廳營賠修缺口錢糧免其造報片子

審擬在逃拒捕殺人重犯摺子



審擬結捻匪徒摺子

請將升任游都暫緩引

見摺子

附奏勒休都司千總片子

附奏委署淮海道篆務片子

請製軍裝估需銀款摺子

山旰義河越壩廂築工竣摺子

附奏在籍尚書捐資助賑片子

附奏派員查賑片子

附奏獲洋盜片子

覆奏新定籌用章程力求有利無弊摺子

密陳考語摺子

彙核淮南北銷鹽總數摺子

附奏察看署總兵田浩然片子

附奏查明京控咨交案件片子

揀員請升通州知州摺子

附謝降畱片子

附奏委署揚州府知府片子

縣營應修卡房官廳庫局估需銀款摺子

請將沛縣寨子堰工程歸東河廳員管理摺子

輪屈修造撥船估需銀款摺子

附奏堵築義河直壩片子

河庫動用減平銀兩摺子

奏爲河庫減平銀兩查已搶險動用據實縷陳恭摺  
奏祈

聖鑒事竊臣奉

命兼權河篆到浦視事後籌堵義河等壩需用尙多河  
庫正雜存銀共止四萬六千餘兩尙有減平在內  
當經附摺

奏明一面飭查扣存銀數實有若干確切詳報去後

茲據河庫道法良會同淮揚徐州淮海常鎮各道  
詳稱遵查河庫減平一款陸續扣存銀二十三萬  
餘兩業爲搶辦險工先後借動現存僅剩零尾緣  
南河工用查至道光二十七年止共不敷銀八十  
八萬餘兩本年大汎工需詳經前河督

奏准添撥銀五十萬兩詎交伏秋洪湖異漲裡揚堰  
盱各廳工程例用旣已增多接啟林家西義河車  
南中新昭關等壩及現在籌堵之需均非常年所

有而黃河盛漲各處堤埽皆有刻不可緩之工其  
時撥款不充卽以減平銀兩搶辦具詳請

奏前來臣查該道等所詳均屬實在情形惟扣存減  
平銀兩向係解部之款既因搶工動用卽當隨時  
奏

聞不容稍存隱飾至此項借款能否於來年歲料銀內  
節省補還抑應作何辦理之處容俟撥款解齊通  
盤籌畫再行確核具

奏所有河庫動用減平銀兩緣由謹查明據實縷陳

伏乞

皇上聖鑒謹

奏 道光二十八年十月初二日具

奏奉

硃批該部知道欽此

河營參將要缺請仍以前揀之員升補摺子

奏爲河營參將遊擊要缺仰懇

聖恩俯准仍以前揀之員升補俾資修防事竊照江南

河營參將李勝參革遺缺經前河臣潘錫恩以淮

揚河營遊擊呂邦治

題請升補嗣經兵部議覆該員升補遊擊尙未引

見接劄且奉

旨以應升之缺升用日期在李勝參革出缺之後與例



未符應毋庸議奉

旨依議欽此自應另行遴補惟查河營參將統轄黃運湖河二十二營督率修防催餉漕船事繁責重爲南河武職第一要缺必須明白全河形勢勤幹有爲之員方克勝任未敢稍涉遷就致滋貽誤臣與前河臣潘錫恩往返熟商詳加遴選一時實難得人惟查有淮揚遊擊呂邦治現年五十八歲河南羅山縣人係由河兵出身老成幹練曉暢機宜道

光二十六年補授今職因有經手公事未及送部  
引

見二十七年防守大汛出力欽奉

諭旨著以應升之缺升用以之升補河營參將雖與例  
稍有未符但人地實屬相宜河工關係甚重應行  
專摺奏請從前張兆盧永盛等均於未接遊擊劄  
付之時

奏升參將歷蒙

恩准在案合無仰懇

天恩俯准仍以呂邦治升補河營參將洵於修防有益  
所遺淮揚河營遊擊一缺分管下游十四河營工  
程亦關緊要查有候補遊擊安振業現年四十三  
歲江蘇丹徒縣人由行伍遞拔三江營守備捐升  
河營遊擊分發南河該員年富才敏修防諳練並  
無違礙處分擬請補授淮揚遊擊亦堪勝任如蒙  
俞允卽當分別送部引

見恭候

欽定臣爲要缺得人起見理合恭摺具

奏伏乞

皇上聖鑒訓示謹

奏 道光二十八年十月初二日具

奏奉

硃批另有旨欽此內閣奉

上諭李星沅奏河營參將遊擊要缺仍請以前揀之員

升補一摺江南河營參將准其仍以呂邦治升補所  
遺淮揚河營遊擊員缺卽著安振業補授均著送部  
引見該部知道欽此

河員代交賠項已逾七成懇俟補官扣廉摺子

奏爲河員代交賠項已逾七成之半其餘無力措繳  
稟請奏懇

天恩俟補官日以廉俸全數扣抵恭摺仰祈

聖鑒事竊查接管卷內南河候補同知張漢有應繳伊  
故父張井前在江南總河任內分賠挑切關孟兩  
灘銀十一萬六千五百十六兩零於道光二十四  
年五限屆滿除將房屋衣物變抵並完繳其銀一

萬一千餘兩外尙有未完銀十萬零五千五百餘  
兩經工部核議張漢究係代賠與本身應賠者有  
間該員已丁憂回籍奏奉

諭旨著俟服闋後勒限二年完繳倘限滿不完卽行照  
例革職嚴追欽此咨行欽遵在案茲據河庫道法良  
詳據委署揚河通判候補同知張漢稟稱職於二  
十六年八月服闋到工以代賠之款

國帑攸關豈容懸宕復向各親友處盡情告貸兩年

以來又陸續繳銀三萬二千六百八十五兩零連  
前共繳銀四萬三千六百九十四兩零茲

欽限屆滿無可設措所有未完銀兩稟請轉詳奏懇

天恩俯念係屬代賠力難全繳准俟補官日將應得廉  
俸全數扣抵以期繳項漸清等情該道覆查屬實  
轉詳請

奏到前河臣移交前來臣覆查此案賠項完繳已逾

七成之半並先經陝西撫臣查明該員家產盡絕



並無隱寄取結送部其未完銀兩可否俟該員補  
官日以廉俸全行扣抵之處出自

聖主鴻慈謹據詳恭摺具

奏伏乞

皇上聖鑒

敕部議覆施行謹

奏 道光二十八年十月初二日具

奏奉

硃批另有旨欽此內閣奉

上諭李星沅奏河員代交賠項已逾七成以上其餘未完銀兩請俟補官日以廉俸扣抵一摺著工部議奏  
欽此

附奏通飭河工員弁各駐工次片

再查南河四道管轄同知通判二十三員缺分繁簡不同里數遠近不等要皆各分汛地例應常年駐工隨時實力修防斯爲無忝厥職近年以來惟徐州常鎮道屬十廳照舊分駐工次至淮揚道屬七廳淮海道屬六廳率多聚處清江廳署幾同虛設非遇盛漲搶險皆不到工因而實任佐雜各官營汎備弁協防鮮不尤而效之視堤防如傳舍卽

奉委防汛候補人員亦多安坐寓中並不親往幫辦殊非慎重要工之道且清江人稠地隘風氣虛浮廳員本有職司乃若一無所事遊戲徵逐耗費實繁甚或競尙夤緣希圖侵冒羣居終日弊不勝言吏治河防均有關係臣已嚴飭該管道將卽令實任河廳文武員弁務各親駐工次不准在浦逗畱自耽安逸其餘防汛委員均應到工辦事藉資照料亦免惰游違者分別參處又淮海兵備道舊

駐海州所屬之安東縣原爲彈壓海疆近亦常年  
在浦併飭河務稍定仍當前往安東隨時督飭俾  
地方獄訟早結緝捕加嚴上副

朝廷分職任官之意謹附片縷陳伏乞

聖鑒訓示謹

奏

硃批所奏極是另有旨欽此內閣奉

上諭李星沅奏河廳員弁多不駐工現飭親駐工次等

語所奏甚是河工廳汎員弁責在修防必應時常駐  
工克盡職守若如該署河督所奏淮揚淮海道屬廳  
官率多聚處清江廳署幾同虛設非遇盛漲搶險皆  
不到工佐雜營弁及委員等亦多效尤如此曠官所  
謂職守者安在况清江人稠地隘風氣虛浮該員弁  
等羣居聚處弊不勝言於吏治河防殊有關係該署  
河督現已嚴飭該員弁等各歸工次不准在清江逗  
畱嗣後仍責成楊以增於到任後嚴行查禁務令各

殊諭江南水師之不振其誰不知等因欽此必得該總  
兵熟悉情形力圖整頓隨時相機督剿若遽易生  
手或尙不如田浩然更恐無從措置臣是以遲之  
又久愼益加愼實有不得已之苦衷非敢游移兩  
可也擬俟年底考核再將現署蘇松鎮總兵田浩  
然能否勝任一併據實具

奏伏候

聖裁合先密片上

聞謹

奏

留中



附奏辦理洋盜情形片子

再江省洋面盜氛未息疊飭鎮將堵剿竝咨提臣

督辦臣於起程出省摺內即經附

奏在案查盜船蹤蹟來去無常大海汪洋迴非陸路

可比圍捕則患船少堵截則患兵單兼之我出彼

歸我勞彼逸一時甚難收效臣與撫臣提臣往復

籌度計非添船添兵不足大加懲創前據蘇松太

道暨上海縣來稟洋盜近因兵勇數次剿擊竟敢

逞忿報復乘我遭風擊損之兵船尙未修竣屢獲  
勝仗之勇船分起護解船犯前赴上海巡洋兵勇  
無多輒由浙洋南漁山傾巢而出追奪船犯不及  
適商船三十餘號連踪在洋致有圍劫之事竝先  
准撫臣咨會上海船商以近年商船被劫甚多水  
師護救不力赴巡撫衙門呈請

奏明會剿意在沿海舟師同時大舉措詞難免過激  
惟事關洋盜疊劫商旅受害非輕臣日夜焦思恨

不能滅此朝食當卽密札上海道縣添雇高大堅  
固之廣船六隻會合原派兵勇飛速出洋一面咨  
催提臣尤渤馳赴崇明十激相度機宜指麾督捕  
近據營縣稟報官兵勇船甫經會齊放洋盜船卽  
聞風遠遁所劫商船間有乘隙駛回者餘爲盜匪  
裹脅前至浙洋普陀山一帶藏匿臣接閱之下倍  
深髮指又經飛咨提鎮添派都司施元敏等統帶  
兵勇各船跟蹤追擊竝咨浙省合力會剿仍嚴守

江浙交界之馬蹟山蘇洋扼要之佘山以防去而  
復來竝飭預備精兵二千名雇船四五十隻配載  
接應如已剿辦得手卽行撤回以節糜費謹將近  
日辦理情形附片縷悉陳

奏伏乞

聖鑒謹

奏

硃批祇可奮力爲之難再緩縱欽此

奏報空運灌放第一塘日期摺子

奏爲恭報回空漕船灌放第一塘日期循例由驛具

陳仰祈

聖鑒事竊臣前將空運首幫行入江境日期於霜降安

瀾摺內附

奏在案查本年入境之期較上年遲至兩旬必得加

緊儻行庶可不誤歸次經臣委員賚

令馳赴邳宿一帶會同沿河文武嚴速催提竝咨漕

臣楊殿邦一體督催各幫軍船陸續南來旋據淮揚道查文經稟稱外南廳屬河口舊草閘內外挑束等壩竝該閘上下迎水分水雁翅禦黃二壩臨清埧鉗口壩間有朽腐蟄塌之處分別鑲修完整塘河亦挑挖深通其北岸中河水面較低察看不足敵黃經該管道廳封閉半路劉滾壩酌鑲護埽竝將鹽閘下板收蓄清水擡高卽啟楊莊頭壩催船渡黃惟南岸本係空塘黃河存水尙大內外高

下懸殊深恐草闌喫重先啟臨清埝引清水入塘  
藉資抵托仍卽堵閉臣於十月初八日親駐河口  
督率道將等啟除臨黃埝將回空首進大河前幫  
起至江淮六幫止共二十四幫計船九百一十四  
隻以次提進草闌立堵臨黃埝啟放臨清埝催令  
飛挽南下至淮揚運河水勢充盈高郵四壩及昭  
關壩因來源尙旺未卽堵閉而軍船繞湖行走歷  
有舊章先經飭令該管文武妥爲籌備沿途插立

標桿分派弁兵節節指引可期順利無阻除再催  
提後船接續放渡外所有空運灌放第一塘日期  
謹恭摺循例由驛具

奏伏乞

皇上聖鑒再兩江總督係臣本任毋庸會銜合併陳明  
謹

奏 道光二十八年十月初十日具

奏奉



硃批知道了欽此

奏保防工出力人員摺子

奏爲遵

旨酌保防護要工尤爲出力人員仰祈

聖鑒事竊照道光二十八年十月初二日內閣奉

上諭李星沅奏霜降安瀾一摺本年黃河來源甚旺兼  
之伏汛大雨河湖同時並漲奇險疊出該文武員弁  
等奮力搶護化險爲平著李星沅擇其尤爲出力者  
酌保數員候朕施恩毋許冒濫等因欽此仰見我

皇上激勵人材微勞必錄跪誦之下莫名欽感伏查河  
工地方員弁或專司修守或例應協防卽候補各  
員一經派委防汛均屬分應出力惟本年水大工  
險實爲罕見在事印委員弁晝夜巡防搶護均極  
辛勤茲奉

溫綸飭查酌保臣恪遵

聖訓不敢稍涉冒濫謹擇其尤爲出力者繕具名單恭

呈

御覽伏候

恩施至在工學習之刑部員外郎張道進工部主事郭  
禮圖派防大汛勤慎精詳除俟學習期滿再行核  
奏外查河庫道法良徐州道韓椿淮海道顏以煥常  
鎮道姚熊飛前署淮揚道周燾署淮安府知府候  
補道胡調元徐州府知府李正鼎揚州府知府吳  
葆晉署河營參將呂邦治淮徐遊擊黃佩署淮揚  
遊擊安振業各勤厥職擬均請

旨交部議敘其餘出力較次員弁容臣分別等第循例  
造冊咨部核辦爲此恭摺具

奏伏乞

聖鑒訓示再兩江總督係臣本任毋庸會銜合併陳明  
謹

奏  
道光二十八年十月十二日具  
奏奉

硃批另有旨欽此內閣奉

上諭李星沅奏遵保防護要工尤爲出力人員開單呈覽一摺本年南河河湖竝漲奇險疊出經該文武員弁巡防搶護悉臻平穩自應量加鼓勵河庫道法良徐州道韓椿淮海道顏以燠常鎮道姚熊飛前署淮揚道周燾署淮安府知府候補道胡調元徐州府知府李正鼎揚州府知府吳葆晉署河營參將呂邦治淮徐遊擊黃佩署淮揚遊擊安振業均著交部議敘銅沛同知金安瀾著賞還頂帶署揚河通判先儘同

知張漢著不論班次遇缺卽補署山盱同知遇缺卽  
補同知沈文藻揚運通判繆鎔遇缺卽補通判張孝  
韶均著交部議敘候補同知王漳候補通判胡志章  
均著歸先儘班補用清河縣知縣劉于瀆著賞加同  
知銜大挑知縣劉樹勳胡克文均著免補本班以沿  
河知縣酌量補用候補直隸州州判郝植松著以屬  
州判縣丞借補候補縣丞陳迪恂著歸先儘班補用  
都司銜揚河營守備闕興邦睢南營守備杜士貴均

著以應升之缺儘先升用汜水汎千總劉華清永安  
汎千總郭定邦均著賞加守備銜餘著照所擬辦理  
該部知道單併發欽此



奏謝霜降安瀾議敘摺子

奏爲恭謝

天恩事竊臣欽奉

上諭李星沅奏霜降安瀾一摺李星沅著加恩交部議敘等因欽此當卽恭設香案望

闕叩頭謝

恩伏念臣識同蠡測願切螭和三策未嫻止因人而成事雙符暫緝方省已以增虔廼蒙

甄敘俯加

隆施曲逮欽幸交深於

丹筆修防益凜於黃流障百川以迴瀾

天所助者順也協

一誠而敘軌臣何力之有焉欣覩

神應丕昭

鸞綉重德馨之報更值

醲膏渥被鴻勛上安宅之詩所有

微臣

感愧下忱謹繕

摺恭謝

天恩伏乞

皇上聖鑒謹

奏 道光二十八年十月十二日具

奏奉

硃批知道了欽此

述職請

覲摺子

奏爲微臣述職屆期籲懇

天恩俯准入

覲恭摺奏祈

聖鑒事竊臣自道光二十五年十一月由調補江蘇巡撫抵都

陛見嗣蒙

李文恭公奏議

卷十九

江督

五

簡擢雲貴總督旋調兩江總督均奉

旨卽赴新任無庸來京臣供職三年刻深依戀計至本

年十一月卽屆請

覲之期現查各屬災區撫臣陸建瀛已加覆勘仍當慎

選印委散放賑需務期一律核實營務節經督飭

近復咨催提鎮統帶巡洋兵勇會同浙省舟師跟

追被劫商船盜氛亦稍斂戢漕船回空灌塘濟運

及勘堵義河昭關各壩辦理均各順平尙堪仰紓

宸注惟臣才識迂闇極知任重不勝當此盤錯交乘實  
繁且窘有未敢形諸章奏者必須匍赴

闕廷跪求

恩訓俾駑駘報效藉免危途卽犬馬愚誠親邀

慈照如蒙

俯允所請兩江總督關防應否移交撫臣署理祇候

諭飭遵行所有兼署河督篆務仍俟新任河臣楊以增

到浦接卸臣卽於封印前束裝北上叩謁

天顏不勝瞻仰待

命之至謹繕摺具

奏伏乞

皇上聖鑒訓示謹

奏 道光二十八年十月十二日具

奏奉

硃批朕非不願與卿相晤然總因公務叢雜難離本任  
可暫停來京下屆奏請可也欽此

變通南河大挑知縣借補章程摺子

奏爲南河大挑知縣借補無期擬請量予變通以勵  
正途恭摺奏祈

聖鑒事竊照大挑知縣分發河工學習凡諳練河務甄  
別留工者定例先以佐貳借補又佐貳之州同州  
判縣丞三項補缺次序先儘正途一人次儘正途  
一人試用大挑二人捐納先儘一人捐納次儘一  
人教習並教職合爲一班酌量補用二人投効分



發試用一人等語是河工大挑按班借補向係九  
缺得四原以疏通寒峻不致壅滯正途惟自豫工  
例開及捐輸議敘遇缺卽補者接踵而至續奉部  
議新章此項留工人員應俟遇缺卽補無人再行  
按班序補誠爲鼓勵捐輸起見不期河工大挑適  
爲遇缺所歷臣查南河遇缺佐貳現已實繁有徒  
非十數年所能補竣况後來者正難豫定若俟遇  
缺無人方准借補則大挑竟無補缺之期雖地方

大挑知縣序補同屬按班先儘遇缺之員第知縣  
加捐遇缺銀數既多人數亦少兼之大挑本班均  
可一律加捐尙無窒礙獨河工大挑借補佐貳既  
與知縣有間卽爲佐貳不能長此固窮幾同閒散  
較之地方大挑知縣一則序補有資一則到班無  
日相形見絀未免向隅可否籲懇

天恩俯賜量予變通准將河工佐貳州同州判縣丞三  
項缺出補用遇缺三人間用先儘次儘正途酌補

一人試用大挑一人庶於鼓勵捐輸之中仍寓疏通正途之意將來遇缺無人查照舊例輪補俾寒素得以自効人材亦資造就矣是否有當臣謹繕摺具

奏伏乞

皇上聖鑒

敕部核覆施行謹

奏 道光二十八年十月十二日具

奏奉

硃批吏部議奏欽此

附奏拏獲日照匪徒解歸山東辦理片子

再山東日照縣匪徒訛掠拒捕一案先後准咨開  
單卽行海州查拏業將擒獲魯六卽魯忠元姜愛  
元二名附摺

奏明在案臣等仍嚴加督飭務令悉數就擒節據該  
地方官稟報會督委員兵役帶同眼線分投躡緝  
於八月十八十九二十等日拏獲蘭山縣人張三

咬卽張必解宗元海州人馬錫會姜玉朋鄒城縣

人孟廣友等五名均訊供在郟城鹽店官莊會遇  
在逃之滕縣人李方本邀令入幅搶奪同至日照  
縣碑廓集會齊曾到事主馬兆麟家夥搶銀錢衣  
物竝李方本喝眾迎拒官兵伊等在遠觀望等供  
竝在姜玉朋名下起獲贓衣十九件白布包袱一  
箇又於九月二十及二十七日拏獲贛榆縣青口  
人陳義海州橫溝莊人李延樹李光法等三名其  
年貌住址均與單開相符研訊犯供忽認忽翻等

情前來臣查已獲李廷樹係山東指拏幅首李光  
法陳義亦係指拏幅夥李光法又曾在海州犯竊  
有案該犯等堅不吐實自係恃無質証畏罪狡展  
張三咬卽張必等五犯雖東省單內無名而入幅  
夥搶已據供認不諱且在姜玉朋名下起獲賊衣  
十九件其爲案犯無疑更難保無幅首在內除札  
飭海州連前獲各犯共十名及賊衣併解淮海道  
覆審供情再行解往山東歸案辦理一面仍飭上

緊緝拏勿稍鬆懈外謹合詞附片具

奏伏乞

聖鑒謹

奏

硃批知道了欽此



附奏委署通州知州片子

奏再通州直隸州知州陳介眉欽奉

諭旨升授河南歸德府知府所遺通州直隸州知州員  
缺係海疆要缺政務殷繁甲於通省本年風潮爲  
災辦理安撫事宜尤關緊要必須精明幹練之員  
方足以資治理查有候補知府何森林堪以委令  
署理據藩臬兩司會詳前來除批飭遵照外理合  
附片陳明伏乞

聖鑒謹

奏

硃批覽欽此

附奏掣卸石工片子

再據淮揚道稟稱自道光二十七年霜降後起至二十八年霜降止洪澤湖歷次風暴掣卸石工計高埦廳屬共長三百九十九丈四尺內除新工著原辦之員賠修外實計舊工長二百八十六丈五尺山盱廳屬共長九百十三丈三尺內除新工著原辦之員賠修外實計舊工長八百九十六丈八尺並新工下間有掣卸舊石層路均已隨時補修

完整又據中河廳稟報半路劉滾壩盛漲時啟放  
減洩昨因回空軍船到境隨將滾壩金門封堵酌  
鑲護埽迨清水蓄高於十月初二日拆啟楊莊頭  
壩以便次第放渡此項閉啟壩工例歸另案造報  
各等情稟請具

奏前來理合附片陳明伏乞

聖鑒謹

奏

硃批知道了欽此

李文恭公奏議

卷十九 江督

十四

附奏遵

旨代謝 河神片子

再欽奉

上諭李星沅奏霜降安瀾一摺此皆仰賴

河神默佑普慶安瀾覽奏之餘欣幸欽感著發大藏香  
十炷交李星沅虔詣

河神廟代朕敬謹祀謝用答

神庥欽此臣欽遵擇吉恭齋

李文恭公奏議

卷十九

江督

五

頒到藏香親詣河湖各

神廟敬謹告祭默陳

聖主報祀之誠常邀

福佑安瀾之慶理合附片具

奏伏乞

聖鑒謹

奏

硃批知道了欽此

附奏甄別河員片子

再霜汎安瀾保奏欽奉

上諭務當認真稽察舉劾兼施等因欽此臣思河工各

員果能端謹自持修防勤慎自應核實獎勵餘則循分供職均可策勉隨時若其行事立心漸染習氣已久雖不至劣蹟昭著卽未便概予寬容查有宿南通判雷體乾債累頗多不自振作中河通判張建勲質粗見小輿論未孚應請



旨勒令休致至河營備弁向藉資深事熟與操防專尙  
壯勇微有不同然使老而不健遇事仍難得力除  
把總協防由臣稽核咨部外查有宿南營守備李  
臣彩睢南營千總孟林年皆老邁精力就衰應請  
旨勒令休致謹附片

奏參伏乞

聖鑒訓示謹

奏

硃批另有旨欽此宿南通判中河通判宿南營睢南營  
四處旁均奉

硃點然使老而不健句旁奉

硃批甚是內閣奉

上諭李星沅奏甄劾河工員弁等語南河宿南通判雷體  
乾不能振作中河通判張建勳質粗見小宿南營守  
備李臣彩睢南營千總孟林年皆就家均著勒令休  
致該部知道欽此

請催空運後船摺子

奏爲空運後船延不入境請

旨迅飭籌催以防凍阻恭摺由驛奏祈

聖鑒事竊照本年回空漕船首幫入境日期已較上年  
遲至兩旬臣於到浦後疊札提催始得十月初十

日灌放頭塘其船九百十四隻卽經具

奏在案乃因後船脫空逐日札飭牌傳並添委漕標  
署都司德慶河標候補遊擊王基棠先後齎

令馳赴山東交界嚴速催償復飭徐州鎮總兵來英  
親駐窑灣一帶緝匪提船並查脫空之甯波前處  
州前各幫飛咨漕臣楊殿邦分別參究及山東撫  
臣河臣嚴飭查催截至十月十七日止接據沿河  
營縣委員稟報陸續催過楊莊頭壩尙祇船三百  
六十四隻查黃林莊地面未據續報空船探聞在  
後各幫水勢足數浮送似由行走散漫仍未償入  
江境銜尾南來計頭塘已將浹旬坐待二塘有稽

灌放連朝天氣漸冷積水已冰設至大河淌凌北路凍阻人力卽無所施况頭塘清高於黃本祗九寸現又落至四寸誠恐西風刮刷運河易致枯澀不得不先事預防溯查歷年灌放空運三四五塘不等均於十一月初旬掃數完竣今節候相距大雪爲日無幾亟須儘力趕運以速補遲實屬刻不容緩除再由臣分咨飛挽一面嚴切提催外相應

請

旨敕下山東巡撫河督暨漕運總督一體迅速籌催務  
俾空船跟接遄行上緊挽入江境無誤灌塘歸次  
事關空運要務未便拘泥謹繕摺由驛馳

奏伏乞

皇上聖鑒訓示謹

奏 道光二十八年十月十九日具

奏奉

硃批另有旨欽此內閣奉

上諭李星沅奏空運後船脫空請旨飭催一摺本年漕船回空較之往屆已屬遲逾現在頭塘灌放業逾旬餘在後各幫仍未趨入江境天氣漸冷積水易冰倘遇河路凍阻有誤新漕咎將誰執楊殿邦鍾祥徐澤醇未能迅速籌催均著先行交部議處並著該督撫等查明各幫船在何處遲延卽將應管各員弁據實嚴參仍分飭嚴催務令各幫船無分晝夜銜尾逆行不准片刻停留庶幾以速補遲不致有誤歸次欽此

覆奏遵

旨訪察民夷聚集情形摺子

奏爲遵

旨密陳仰祈

聖鑒事竊臣承准軍機大臣字寄道光二十八年十月

初三日奉

上諭自五口通商以來各省大吏撫馭得宜尙屬安靜  
惟華夷雜處良莠不齊吳淞爲腹地門戶客貨夷船

李文恭公奏議

卷十九 江督

聖



向稱繁盛開設行店及往來說合貿易之人若不嚴  
行查察必有遊匪巨蠹溷蹟爲奸或受夷人賄囑刺  
探事情卽如廣東省以捐納知府之民人麥慶培竟  
無恥爲夷人之耳目以此類推則凡微員武弁更難  
保無見利忘義之事不可不加意查察該督撫接奉  
此旨著密派精細曉事大員於民夷聚集之地畱心  
訪察如有通夷主唆行蹤詭秘者卽行懲辦尤渤統  
轄營伍更宜詳察官兵倘有勾串設法拏辦惟此弊

禁其在我於人無尤不得另啟邊衅卽官民佩法亦  
須確有憑據方可伸法倘紛紛誣訐則大失朕思患  
豫防之本意矣慎之將此各密諭知之欽此仰見

聖慮周詳防患未然之至意下忱無任欽服查吳淞口  
頻年互市上海實爲要區地狹言厯華夷雜處雖  
不及粵東之盛而較閩浙獨繁平日夷館往來仍  
惟粵商最密亦間用內地人教書寫字焉有正士  
良民甘爲所用之理誠難保無遊匪巨蠹溷蹟其

中臣前任江蘇巡撫時有上海遊民徐雲江赴京  
呈控夷目一案查係徐雲江先至夷館造言圖騙  
未遂所欲輒復捏控重情奉

旨飭審究辦是其明證猶幸本地紳富不通夷語不熟  
夷情貿易兩不相謀未肯爲夷耳目卽官兵存城  
分汛各有操防亦無從與夷交際蓋夷所利者在  
估舶不在紳商夷所忌者在人民不在兵弁但恐  
習焉不察漸至因以爲奸且旣彼此同居殊難明

示隔絕自應欽遵

諭旨密派精細曉事大員隨時加意體訪惟民夷聚集之地正浮言所自生一經特派委員夷必多方探聽設或任使不當喜事要功告訐紛來無故自擾不能不兼權熟計臣與撫臣陸建瀛往復函商查現任蘇松太道麟桂明敏小心久諳夷務本係駐劄上海卽飭嚴密訪查不動聲色如有通夷主唆

等弊須得確據究懲毋稍將就顛預輕率宣露至

提臣 九渤統轄營伍原宜詳察官兵而武營精細  
實難動需稿房字識曉事不足漏言有餘是以沿  
海文報從前每易傳播此次接奉

諭旨

臣 卽飛致提臣

止須面飭妥員設法偵訪勿令各

營干預誠以通商事關全局馭夷務存內心粵東  
在恠以所畏而牖其明江南在示以不疑而嚴爲  
備揆時度地同切籌維要必慎凜幾先靜以制動  
萬不可我未能禁人已相尤上負

聖主思患豫防之明訓謹密摺陳

奏伏乞

皇上聖鑒謹

奏 道光二十八年十月二十四日具

奏奉

硃批所論皆是總要行其所無事之意而又免疎畧噬臍之虞是爲至要卿與撫臣慎勉毋忽欽此

查明鹽場已未成灾情形摺子

奏爲查明鹽場被潮被水已未成灾情形恭懇

聖恩分別蠲緩給賑以普

皇仁而紓竈力事竊照兩淮通州分司所屬豐利等九  
場泰州分司所屬富安等十一場坐落通州如臯  
東臺興化鹽城阜甯等州縣境內地近海濱本年  
六月二十二十一等日猝被颶風大雨海潮異漲  
繼值上游啟放昭關等壩西水下注埕蕩煎舍均

被淹漫又海州分司所屬板浦等三場坐落海州  
及贛榆縣境本年夏秋雨多兼之海潮上湧山水  
開水滙歸下注池蕩亦被淹浸節據該分司大使  
先後稟報經臣批飭運司委員馳往會勘並將被  
災較重實在乏食竈丁先予撫卹會摺

奏明在案茲據兩淮鹽運使但明倫護理常鎮通海  
道吳葆晉淮揚道查文經淮海道顏以煥會詳稱  
據通州分司運判沈炳委員候補運判朱玉璠稟



稱勘得豐利等九場內餘東餘西金沙三場秋收  
均在六分以上毋庸查辦惟呂四場當范堤尾間  
堤盡處潮水內灌衝破圩圍堤內東十五總並續  
漲二補三補沙地熟田堤外草蕩一片汪洋被淹  
較重掘港場堤外蕩地被淹亦重該二場均成災  
七分石港豐利柃茶角斜四場堤外草蕩被淹較  
輕均係勘不成災又據泰州分司運判許惇詩委  
員候補運判武祖德范維璿稟稱勘得富安等十

一場各竈地俱隸范堤蕩多田少一律被淹情形較重計富安豐梁堞東臺何堞五場均通境成災八分丁溪草堰劉莊伍祐新興廟灣六場均通境成災七分又據海州分司運判洪上庠委員候補大使韓茂萱稟稱會督板浦中正臨興三場各大使勘得該三場灘地全行被淹秋收歉薄均係勘不成災各等情由司會詳請

奏前來

臣

查本年兩淮各場被淹情形已據該司道

督同分司場委各員查勘明確除餘東餘西金沙  
三場成熟併石港豐利耕茶角斜四場堤內並歸  
併石港之馬塘場范堤內外未淹田蕩俱屬有秋  
應徵錢糧照常啟徵外所有通州分司所屬成災  
七分之呂四掘港泰州分司所屬成災八分之富  
安安豐梁垛東臺何垛及成災七分之丁溪草堰  
劉莊伍祐新興廟灣等十三場被災較重小民生  
計維艱相應仰懇

天恩俯准按照災分查明極次貧竈戶口分別給賑各該場成災田蕩應徵本年折價錢糧按分蠲免蠲剩銀兩同通分司所屬之石港豐利耕茶角斜海分司所屬之板浦中正臨興等七場勘不成災蕩地應徵折價概行緩至次年麥熟後照例分別帶徵其來年新賦及成災在通境五分以上之呂四掘港二場成熟田地本年錢糧併請緩至己酉年秋後徵收以上各場未完各年災熟舊欠一體展

緩內呂四掘港請展至來年隨同新賦帶徵石港  
豐利耕茶角斜請展至次年麥熟徵收富安安豐  
梁塚東臺何塚丁溪草堰劉莊伍祐新興廟灣板  
浦中正臨興均請按年隨同新賦每年帶徵一年  
由遠而近以紓竈力至七八分災例給兩關正賑  
初關用本色穀石二關用折色銀兩穀由鹽義倉  
撥給銀在運庫鹽課項下動支委員確查戶口屆  
期核實散放除飭將應蠲應緩各數造冊咨部並

將各場災歉情形另行恭疏

題報外謹會同江蘇巡撫臣陸建瀛合詞恭摺具

奏伏乞

皇上聖鑒訓示謹

奏 道光二十八年十月二十四日具

奏奉

硃批另有旨欽此內閣奉

上諭李星沅奏查明鹽場歉收情形請分別蠲緩給賑

一摺本年兩淮所屬各鹽場被潮被水竈地淹浸秋  
收歉薄自密酌予調劑加恩著照所請兩淮被淹各  
場除餘東餘西金沙三場成熟併石港豐利耕茶角  
斜四場堤內並歸併石港之馬塘場范堤內外未淹  
田蕩應徵錢糧照常徵收外所有通州分司所屬成  
災七分之呂四掘港泰州分司所屬成災八分之富  
安安豐梁垛東臺何垛及成災七分之丁溪草堰劉  
莊伍佑新興廟灣等十三場均著按照災分查明極

貧次貧竈戶口分別給賑並各該場成災田蕩應徵  
本年折價錢糧著按分蠲免蠲剩銀兩同通州分司  
所屬之石港豐利耕茶角斜海分司所屬之板浦中  
正臨興等七場勘不成災蕩地應徵折價概行緩至  
次年麥熟後照例分別帶徵其來年新賦及成災在  
通境五分以上之呂四掘港二場成熟田地本年錢  
糧併著緩至己酉年秋後徵收以上各場未完各年  
災熟舊欠著一體展緩內呂四掘港著展至來年隨



同新賦帶徵石港豐利耕茶角斜著展至次年麥熟  
徵收富安安豐梁塚東臺何塚丁溪草堰劉莊伍祐  
新興廟灣板浦中正臨興均著按年隨同新賦每年  
帶徵一年以紓竈力餘著照所擬辦理該督卽刊刻  
謄黃徧行曉諭務使實惠均霑毋任吏胥舞弊以副  
朕軫念歉區至意該部知道欽此

查報駱馬湖租錢文動存實數摺子

奏爲查報道光二十六七兩年分應徵宿遷縣駱馬湖租錢文動存實數恭摺奏祈

聖鑒事竊照宿遷縣駱馬湖無糧灘地經前督臣孫玉

庭前河臣黎世序委員丈明頃畝酌定租息

奏奉

諭旨自道光三年爲始於麥熟後徵收撥充淮徐兩府地方公用仍將動存實數於年底奏報一次免其逐

案報銷等因欽此所有道光二十五年以前徵收動  
用各數業經

奏報在案茲據署江甯布政使積喇明阿等將道光  
二十六七兩年徵存動支各數詳請具

奏前來臣伏查該湖灘地道光二十六七兩年應徵

租息核數相符其動支各款亦係實用實銷尙無  
浮冒謹將徵存動支各數敬繕清單恭呈

御覽除飭該司道將各年民欠查明分別追繳外謹會

同江蘇巡撫臣陸建瀛合詞恭摺具

奏伏乞

皇上聖鑒再江南河道總督係臣兼署合并陳明謹

奏 道光二十八年十月二十四日具

奏奉

硃批戶部知道單併發欽此

查報空運灌放第二塘日期摺子

奏爲回空漕船灌放第二塘日期恭摺循例由驛具  
報仰祈

聖鑒事竊臣前將空運灌放頭塘日期及在後幫船延  
不入境請

旨飭催緣由先後具

奏在案拜摺後復經飛咨漕臣楊殿邦及山東撫臣

河臣嚴飭催償一面添委候補通判吳日銑馳赴

上游邳宿一帶迎提緣後船未能跟舫僂入江境  
以致頭塘放畢守待兩旬茲查挽抵楊莊及挂黃  
排泊者甫足一塘之數臣卽於十月三十日親駐  
河口督飭道將等啟除臨黃堰將安慶前幫起至  
處州後幫止共二十八幫計船一千零八隻循  
序提進草開立堵臨黃堰啟放臨清堰催令連檣  
南下查淮揚運河水勢充盈高郵新壩中壩南關  
壩業已次第堵築車邏壩亦飭興堵揚運廳屬昭

關壩堵閉三分之二即日進占合龍俟一律報竣  
軍船照舊挽運無須繞湖行走卽壩下民田亦可  
漸臻涸復惟節逾小雪天氣漸寒在後未到幫船  
爲數尙多仍虞凍阻務令以速補遲及時歸次除  
再加緊催提接續放渡外所有灌放第二塘日期  
謹恭摺循例由驛具

奏伏乞

皇上聖鑒再山圩廳屬義河壩越築丈尺較長工費較

鉅前次係十二月動工茲爲預籌蓄水飭催道廳  
趕辦已於十月二十七日興築外越壩基合併陳

明謹

奏 道光二十八年十一月初三日具

奏奉

硃批覽奏均悉欽此



鹽場秋收分數摺子

奏爲本年鹽場秋收分數循例恭摺具奏仰祈

聖鑒事竊查兩淮通州泰州海州三分司所屬各鹽場

秋收分數例應恭摺

奏報茲據通州分司運判沈炳稟報所屬豐利等九  
場高低牽算約計五分有餘又據泰州分司運判  
許惇詩稟報所屬富安等十一場高低牽算約計  
二分有餘又據海州分司運判洪上庠稟報所屬

板浦等三場高低牽算約計五分有餘各等情由  
鹽運使但明倫彙核具詳前來臣查本年夏間陽  
雨失宜風潮時作又值洪湖水漲壩水下注以致  
各場禾草雜糧被淹受傷已據該運司督同分司  
場委各員確勘災歉情形經臣奏懇

天恩分別給賑蠲緩所有各鹽場秋收分數相應循例  
恭摺具

奏伏乞

皇上聖鑒謹

奏 道光二十八年十一月初六日具

奏奉

硃批知道了欽此

覆奏捕務章程摺子

奏爲遵

旨查明覆奏仰祈

聖鑒事竊臣等接准部咨欽奉

上諭御史戴綱孫奏各直省捕務請定將弁協緝章程

一摺著各督撫各就本省情形核議具奏摺併發欽

此臣等查營汛官兵與地方文職互相維制均爲

弭盜安民而設遇有失事文武並參定例不分輕

重惟江蘇營伍向有陸路水師之別水師又有內  
河內洋外海之別外海捕盜專責營員與文職無  
干以文職不能出洋追捕也內河內洋陸路捕盜  
則文武一體承緝同茲畛域各顧考成尙無遷延  
推諉情事至各營兵丁雖不與捕役一律提比而  
拔補弁缺無論水陸均先就獲犯較多之弁兵考  
驗技藝酌量升擢其畏葸庸懦者隨時革除歷久  
遵行無弊核與御史戴綱孫所奏大畧相同應請

毋庸再議伏念我

朝立法業已慎密詳明果能實力奉行成效無難立見其所以盜賊未靖者固由生齒繁庶良莠不齊仍由捕務積疲查拏不盡自非信賞必罰懲勸兼施則將弁協緝無功卽州縣疏防如故不足以資振刷臣等惟有秉公核實嚴密稽查勤偵訪於事前限追攝於事後奮勉者從優獎拔怠玩者立予究懲勉期萑苻肅清仰副

聖主訓誨整飭之至意所有江西安徽兩省有無應行酌量變通之處容臣李星沅咨商各該撫臣另行覆奏謹先會同漕運總督臣楊殿邦江蘇提督臣尤渤恭摺覆

奏伏乞

皇上聖鑒再江南河道總督係臣李星沅兼署合併陳明謹

奏 道光二十八年十一月初六日具

奏奉

硃批核實認真能否克盡職守卿等自知也欽此



特參南河候補通判孫旅摺子

奏爲特參不堪任使之河員請

旨卽行革職以資儆惕恭摺奏祈

聖鑒事竊惟南河候補各員人數旣多才具不等其或  
習成虛誕遇事生風佚處宴安自甘頽廢均應隨  
時甄劾不敢稍涉姑容查有候補通判孫旅久任

河工佐雜聲名本屬平常近值空運南行循例委  
員分段催儻經臣派往揚河一面留心訪察該員

氣體單弱不能耐勞尋常早起爲難安望補缺署  
篆克勤厥職且風聞此次出差有向河營借湊盤  
費之事最爲河工惡習尤當懲一儆百勉期挽此  
頽風除再確切根究外相應請

旨將南河候補通判孫旅卽行革職以爲不知慎勤者  
戒臣爲整飭河員起見謹專摺

奏參伏乞

皇上聖鑒訓示謹

奏 道光二十八年十一月初六日具

奏奉

硃批另有旨欽此內閣奉

上諭李星沅奏參不堪任使之河員一摺南河候補通判孫旅聲名本屬平常經派委催攢空運久慣安佚不能耐勞早起且該署河督訪聞有向河營借湊盤費之事尤屬不知自愛孫旅著卽行革職以示懲儆該部知道欽此

附奏請撥九江關稅以備歲料片子

再臣前接部咨豫購南河歲料款內有原撥安徽地丁銀兩現應留備該省賑需已

奏明改撥浙江秋撥應報地丁銀四萬八千兩等因當卽飛咨解濟去後茲准浙江撫臣吳文鎔咨會

以上次部撥地丁銀一十三萬兩解赴南河支用因查司庫秋撥已無存銀將未解部庫攤徵塘工等款共銀七萬九千五百餘兩先行湊解河庫其

餘不敷動撥銀五萬兩有奇業經

奏請改撥今奉續撥地丁銀四萬八千兩別無可動之款無從湊解除咨戶部外咨明查照前來臣查前項續撥銀兩既經浙江撫臣查無存銀可動而南河歲料要需又難缺誤惟據九江關道來文尙有續徵稅餉堪以應解可否就近飭令撥解銀四萬八千兩抵補浙江之款抑或另行改撥之處相應附片陳明伏乞

皇上聖鑒敕部核覆施行謹

奏

硃批戶部議奏欽此

附奏保薦人員續犯劣蹟請

旨議處片子

再臣接准撫臣來咨轉據

欽差福濟駱秉章咨開前奏江蘇查辦事件一摺奉

上諭長洲縣知縣周沐潤有玷官箴著卽革職發往新

疆効力贖罪等因欽此臣查周沐潤上年在長洲縣

任內列入卓異保薦曾經撫臣會同具

題茲於薦舉後不自檢束有玷官箴臣未能先期查

參實難辭咎不得以例會後銜稍希寬貸相應據

實陳明請

旨將

臣

交部議處以昭允當伏乞

聖鑒訓示謹

奏

硃批另有旨欽此內閣奉

上諭李星沅奏保薦卓異人員續犯劣蹟會後銜具  
題自請交部議處等語李星沅著交部議處欽此



奏報空運全數渡黃完竣摺子

奏爲回空漕船全數渡黃完竣恭摺循例由驛具陳

仰祈

聖鑒事竊照本年空運灌放第二塘日期前經臣李星

沉奏

聞後卽飭上游印委員弁迎提在後幫船並經臣楊殿

邦督押尾幫兼程前進次第挽抵楊莊頭壩挂黃

排泊緣自入冬以來久未一雨風乾霜緊塘河水

勢日消卽經趕啟臨黃涵洞並先期於下游添築  
重埧蓄水灌運臣等於十一月十七日會駐河口  
督飭該管文武啟除臨黃堰將浙江杭州四幫起  
至江西南昌前幫止共一十五幫計船七百三十  
八隻以次提進草閘立堵臨黃堰啟放臨清堰催  
令跟艚南下查本年空運臨清臨黃兩堰各啟閉  
三次除黃河以北歸次軍船不計外實渡黃船二  
千六百七十隻合共六十七幫掃數完竣淮揚運

河水尙充足高郵車南中新四壩及揚運廳屬之  
昭關壩早已堵合堅穩軍船照舊挽運無庸繞湖  
趁此時未嚴寒臣等疊飭沿途員弁實力上緊催  
儻務期以速補遲克日全數出江飛挽歸次仰副  
聖主垂廬漕運之至意所有回空漕船渡黃完竣緣由  
臣等謹恭摺循例由驛具

奏伏乞

皇上聖鑒再臣李星沅離省日久卽當回署清理俟來

春閱伍周歷遠近礮堤竝詣鄒湖收工臣楊殿邦  
卽日進署趕辦新漕事宜合併陳明謹

奏 道光二十八年十一月十八日具

奏奉

硃批知道了欽此

附奏堵築義河並回省日期片子

再此次回空灌運因二塘停待兩旬晴多風烈塘  
河水勢漸耗軍船入塘後未卽暢行疊飭道將廳  
營上緊設法蓄水次第運送始得接啟三塘全數  
渡竣無誤所有義河工段現已做成三百餘丈日  
來湖水報定嚴飭迅速堵築務令及早完工不准  
稍有延緩茲臣卽日回署計新任河臣楊以增抵  
任當不甚遠如由省城送印必至守候旬餘現將

南河總督關防由臣粘貼印花親加花押封存淮  
揚道署一俟河臣抵任卽行就近齎交臣兼署期  
內例件飭委該道代拆代行凡有緊要文稿均送  
省署核辦鈐用兩江總督關防以歸簡便合併陳  
明伏乞

聖鑒謹

奏

硃批另有旨欽此內閣奉

上諭楊殿邦奏請籌蓄清水濟運一摺又據李星沅等  
奏回空漕船全數渡黃竝現辦堵築義河先回督署  
等語本年回空軍船因塘河水耗未能暢行經該督  
等嚴飭該管各官設法蓄水次第運送現已全數渡  
黃尙無貽誤所有前次幫船脫空及辦理未能迅速  
之漕河文武各員弁均著免其查參其堵壩蓄水豫  
籌來春濟運各事宜據李星沅稱現在趕辦義河工  
段著責成楊以增接手妥籌堵築嚴飭該管各官迅

速辦理務令及早完工俾資儲蓄毋誤明年重運該  
漕督亦須催償回空軍船歸次受兌毋稍耽延餘著  
照所擬辦理欽此



甄別同知通判摺子

奏爲甄別同知通判請

旨勒令休致恭摺奏祈

聖鑒事竊惟州縣身膺民社自須人地相宜卽凡丞倅  
等官有缺者各凜職司無缺者兼資歷練未可以  
閒曹散置致令濫竽日久轉滋貽誤臣等督同司  
道畱心確訪查有江甯府管糧同知吳濬源才具  
平庸近復多病請假未卽就痊候補通判洪業斌

言動輕佻前署淮安府通判輿論亦多未愜均屬  
不堪造就相應據實

奏參請

旨將江甯府管糧同知吳濬源候補通判洪業斌卽行  
勒令休致以昭整飭謹合詞恭摺具

奏伏乞

皇上聖鑒訓示謹

奏 道光二十八年十一月十九日具

奏奉

硃批另有旨欽此內閣奉

上諭李星沅陸建瀛奏甄別同知通判一摺江甯府管糧同知吳濬源才具平庸久病未痊候補通判洪業斌輿論未愜均著勒令休致該部知道欽此

附奏降補南河候補通判片子

再南河候補通判黃紹先性情疏懈公見恒稀修防竝不講求河員斷難稱職惟係舉人出身文理頗優尙堪司鐸相應請

旨將南河候補通判黃紹先以教職降補歸部銓選謹  
附片陳

奏伏乞

聖鑒訓示謹

奏

硃批另有旨欽此內閣奉

上諭李星沅奏請將南河候補通判黃紹先降補教職  
等語著吏部議奏欽此

請修營房估需銀款摺子

奏爲請修逾限營房估需銀款恭摺奏祈

聖鑒事竊照地方一切工程前奉

諭旨暫行停止其營汛卡房等項工程爲兵丁棲巡要地咨准部覆仍行修辦各在案茲據署江甯布政使積喇明阿詳稱六合縣境內姜家渡馬家集水家灣雷官集四汛營房並墩臺牌柵等項均因年久未修全行坍塌急應修辦委據江甯府北捕通

判勘實詳司移據江甯城守副將飭委浦口營都  
司覆勘屬實又如臬縣境內沈家圩冒家圩二汎  
營房厯年已久朽爛不堪飭據通州委據泰興縣  
親勘屬實并經該管州道并狼山鎮總兵飭委營  
員遞加覆勘結轉由縣確估工料銀兩造具冊結  
送司應請准其興修通其估需工料銀一千三百  
九兩六錢一分應請在於司庫耗羨款內動給興  
修詳請具

嚴飭道廳始欲嚴飭道廳必自河臣正已無私始  
以臣約畧計之南河四屬二十三廳每年尋常例  
用當以三百萬兩爲率內如淮揚道屬准銀一百  
三十萬兩徐州道屬准銀八十萬兩淮海道屬准  
銀八十萬兩常鎮道屬准銀一十萬兩似已度支  
無缺雖水勢有大小工段有增減原未可執一以  
求要之成算在先所請例銷正款孰虛孰實無難  
參考分明設有另生新工河臣督同該道立即馳



往勘估驗收復加核實或值倉卒之頃小有墊用亦應確查補給不准空報浮開畱抵刪數似亦範圍不過之理臣於本屆銷算稽核從嚴共刪銀四十萬兩零比較上年准銷少銀六十萬兩零無庫欠之我發有欠庫之扣還絕不敢操之過急祇以當費不可省當省不可費果能畱意搏節年復一年積少成多截長補短財不虛耗是亦生財在河員不免相尤於

國用未始無補新任河臣楊以增計日到浦接篆其  
廉明靜密熟練修防非臣所能企及惟當和衷商  
榷務令全力鉤稽以期浮費先裁虛糜漸絕各清  
各款無濫無苛仰副

高厚生成於萬一謹據實密陳伏乞

聖鑒謹

奏

硃批工部議奏欽此

李文恭公奏議

卷十九

江督

七六

附奏運庫票稅銀兩毋容動借片子

再臣前因南河歲料必須趕緊購備而查指撥銀  
內有江蘇安徽扣西賑需恐改撥遠省緩不濟急  
請於運庫存貯准北票稅項下先行動借銀三十  
萬兩俟河餉解到歸還奏蒙

俞允在案茲查戶部改撥均多近省之款尙可及時解  
濟計歲料銀一百二十萬兩截至現今止已准各  
省陸續解到銀五十九萬餘兩目前應發料價足

敷支放其餘未到各處亦有咨報在途及已加緊  
催提卽當分投趕解自不致於遲誤所有運庫票  
稅銀三十萬兩應請無庸再行動借以省轉折委  
解之煩除咨部查照外相應附片陳明伏乞

聖鑒謹

奏

硃批戶部知道欽此

奏報回省日期並賑務河務現辦情形摺子

奏爲恭報

微臣

回省日期並賑務河務現辦情形恭

摺奏祈

聖鑒事竊照回空軍船於本月十八日全數渡黃完竣

當經會摺

奏報一面嚴飭沿河營縣刻速催償進行臣卽於十

九日自清江兼程二十二日馳回省署城廂內外

災戶已由地方官會督紳董查明定期二十日起

二十八日止先放義賑並江甯京口兩旗營一律  
准米折銀所有此項賑需前經臣以省垣重地且  
爲外府表率董勸必樹先聲戶首捐銀一萬兩同  
城司道府縣以及紳士商民等均各量力捐貲並  
城內豐備倉儲積穀石分廠搭放動用兼施棉衣  
禦寒餘銀暫貯江甯府庫俟官紳續有捐數一併  
留備明春接濟各州縣勸捐數目多寡不等均由  
官紳核實會辦足爲例賑之助所有請賑戶口疊

經會委覆查其低窪積水迺始次第涸出卽分別  
例給

恩賑一切畱養資送率由舊章災民均稱安靜堪以仰  
慰

宸廑至河工銷算銀款臣已核刪定案專俟廳屬策齊  
卽行開單具

奏義河興築月日均比歷屆較早所存水誌亦較深  
現據報至二十日南北兩岸已堵合四百九十七丈

工程約已過半但無烈風冰凌卽日可望合龍惟  
湖水重運攸關仍須預籌廣蓄塘河估挑尺寸務  
令深見板底其臨黃涵洞亦應疏剔泥淤以冀臨  
時合用節經札催道將悉於年內趕辦竝俟新任  
河臣到日卽行咨會督催理合恭摺陳

奏伏乞

皇上聖鑒謹

奏 道光二十八年十一月二十四日具



奏奉

硃批知道了欽此

揀員調補甘泉縣知縣摺子

奏爲揀員調補沿河要缺知縣恭摺奏祈

聖鑒事竊照甘泉縣知縣徐德元因人地未宜奏奉

諭旨撤任留省察看所遺甘泉縣知縣係衝繁疲難四

項兼全沿河要缺必得精明強幹之員方足以資

治理臣等於現任簡缺知縣及應補應升人員內

詳加遴選實無合例勝任之員惟查有桃源縣知

縣姚維成年五十歲江西監生遵例報捐縣主簿

分發南河咨署靈璧縣主簿升任山陽縣裡河縣  
丞委署桃源縣知縣於道光二十四年正月二十  
四日任事旋即升補是缺防汛出力奉

旨賞加升銜二十六年請咨赴部引

見奉

旨准其升補十月十五日回任查該員年富才明老成  
勤幹以之調補甘泉縣沿河要缺知縣實堪勝任  
雖歷俸未滿三年以繁調繁與例稍有未符但甘

泉縣係四字兼全沿河最要之缺較桃源尤爲緊  
要人地旣屬相需合無仰懇

聖恩俯准以桃源縣知縣姚維成調補甘泉縣知縣實  
於沿河要缺有裨如蒙

俞允該員係現任知縣請調知縣銜缺相當毋庸送部  
引

見一切因公處分例免核計該員係初次請調飭將罰  
俸銀兩趕緊完繳造冊咨銷所遺桃源縣知縣容

侯部覆知照截缺再行遴員請補據藩臬兩司會  
詳前來謹合詞恭摺具

奏伏乞

皇上聖鑒訓示再江南河道總督係臣李星沅兼署毋  
庸會銜合併陳明謹

奏 道光二十八年十一月二十四日具  
奏奉

硃批另有旨欽此內閣奉

上諭李星沅陸建瀛奏揀員調補沿河要缺知縣一摺  
著照所請江蘇甘泉縣知縣員缺准其以姚維成調  
補該部知道欽此

奏報兵勇赴浙協勦洋盜屢有斬獲摺子

奏爲兵勇赴浙協勦洋盜屢有斬獲恭摺奏祈

聖鑒事竊

臣

等接准

欽差吏部侍郎福濟等咨會欽奉

上諭福濟駱秉章奏請飭海疆督撫提鎮嚴緝洋盜一摺著江南閩浙山東各督撫提鎮督飭水師嚴密偵緝務令員弁兵勇不時出洋搜捕海汊紛歧與交界處所更當添配兵船互相堵截不得稍存畛域以致

漏網一經拏獲務須盡法懲治以儆兇頑浙江漁山  
既據衆稱爲窩頓所在尤須設法搗其巢穴盡行驅  
逐經此次訓諭之後如各武弁不能實力實心或避  
就推諉或畏葸無能該督撫提督指名嚴參倘該督  
撫提督瞻徇諱飾或不能督飭嚴拏賊犯淨盡經朕  
別有訪聞或有人參奏恐不能當此重咎也等因欽  
此臣等伏查江蘇洋面前此屢有閩浙盜船闖入  
肆劫竝擄奪人船勒銀取贖情事雖據水師官兵



盜住奈山節次獲盜擒船總未大加懲創當卽督飭上海道縣勸諭商民添雇水勇船隻僉派周鼐胡維榮爲總頭分帶出洋隨同水師協力防剿於本年八月五次接仗生擒盜匪五十二名擊殺盜匪十八名落海身死者不計其數牽獲盜船六隻擊沉盜船四隻救回被劫商船十一隻難民三十七名該盜匪膽敢逞忿報復由浙洋南漁山傾巢而來欲圖打奪船犯不及圍劫商船三十餘號臣

等復飛飭上海道縣添雇高大堅固廣船六隻會  
合剿捕並預備兵丁二千名咨會提臣尤渤馳赴  
崇明十潑地方相機督辦該盜聞風遠遁卽派都  
司施元敏等帶領兵勇追赴浙洋隨同定海鎮等  
奪回被劫商船十九隻復追至南韭山洋面擊沉  
盜船一隻生擒盜匪十七名斬首五級救回難民  
十六名均經先後

奏明在案

臣

等覆查江蘇洋面以馬蹟山爲江浙門

戶而商船往北貿易奈山在所必經前飭水師官兵專巡奈山係因閩浙盜船業已竄過馬蹟不能不嚴防奈山今自九月以後江洋盜氛稍斂尤應兼防馬蹟以爲搃吭之計隨飭蘇松鎮總兵田浩然督同都司張鳳翔等統帶兵船五隻及周鼐所帶艇勇各船寄柁馬蹟於江浙交界梭織巡邏堵禦南來盜船福山鎮總兵孫雲鴻督同遊擊黃登第等統帶兵船五隻駐巡奈山接應往來商船勇

頭胡維榮熟悉浙洋島嶼飭令引導官兵會同浙江舟師不分畛域協力窮追務獲卽據勇頭周鼇協同官兵於十月初十日在馬蹟山洋面擊退盜船一隻救回商船一隻生擒盜匪一名擊殺落海者無數又據勇頭胡維榮協同江浙委員官兵於十月初六日追至浙江南漁山洋面遇見盜船十餘隻擄住商船十隻該兵勇合力奮擊自辰至未拏獲盜船一隻救出被擄難民七十餘人將商船

全數奪回就近解交浙省查辦該勇頭胡維榮又於十月二十四日追至浙江東甯山洋面會合兩省委員官兵擊獲盜船一隻並槍礮器械救回商船一隻復舍舟登陸追擒盜匪十六名擊殺落海者無數焚毀盜巢三十餘間所獲盜船俱經解回上海據該道縣委員先後稟報前來臣等查該盜匪盤踞浙洋乘風北竄伺劫勒贖爲害已久今江浙兵勇同心協力三月之內九次獲盜擒船並焚

毀巢穴洵爲志切同仇亟宜趁此聲威堵剿兼施  
以冀肅清洋面至盜蹤出沒無定難保不散而復  
聚去而復來現復催令委員將

奏明倡造船船十隻趕緊加工儻辦竝將所獲盜船  
擇其可用者一律修整搭配兵勇以備臨時調遣  
斷不准稍涉鬆勁致負

聖主整飭海疆訓誨諄諄之至意除飛咨閩浙督撫

嚴飭鎮將會同剿辦並咨行江蘇提鎮督帶兵勇

實力堵捕外謹合詞恭摺具

奏伏乞

皇上聖鑒再前此奏明預備精兵二千名未經出營所  
雇配兵民船亦已撤退提臣尤渤現有應辦營伍  
事宜已由臣李星沅知會暫行回署合併陳明謹

奏 道光二十八年十一月二十四日具

奏奉

硃批知道了欽此

海州沭陽境內薔薇等河挑竣摺子

奏爲海州沭陽境內薔薇等河挑竣驗收議定攤還  
年限開具工段銀數清單恭摺具

奏仰祈

聖鑒事竊照海州沭陽境內薔薇等河爲宣洩青伊湖  
水要區因河身淤塞田畝被災經前督臣璧昌彙  
入海州沭陽等州縣挑築六塘河堤案內

奏蒙



俞允興辦嗣經

臣

等飭委升任江甯府江防同知王夢

齡等會同海州按段查勘摺節估計其長一萬二

千一百四十六丈計土七萬一百六十一方五分

九釐估需銀一萬四千一百九十二兩三錢一分

八釐由升任江甯藩司傅繩勛查明挑辦六塘河

堤案內計有節省銀八千九十一兩八錢九分二

釐堪以全數動撥其不敷銀六千一百兩四錢二

分六釐請於司庫地丁蘆課等款銀內借給趕辦

詳經臣等會奏於道光二十八年二月初七日興  
工三月十五日完竣前河臣潘錫恩遵

旨赴工核實量驗寬深尺寸均屬敷足並無草率偷減  
附片會奏各在案茲據署江甯布政使積喇明阿  
詳據海州具詳於原估工段內減挑七百三十丈  
實挑工長一萬一千四百十六丈共土六萬六千  
七百三十六方一分五釐照沈陽縣歲修例價並  
車水人工在內每方銀二錢並防風護埽銀一百

六十兩統共實用銀一萬三千五百七兩二錢三分計節省銀六百八十五兩八分八釐內沭陽縣境內挑工計銀八百二兩八分應歸沭陽縣攤還餘銀一萬二千七百五兩一錢五分應歸海州攤還請自道光二十九年分作十年攤徵還款按忙首先提解不准絲毫拖欠將挑過工長丈尺銀數開單詳

奏前來臣等覆核無異除飭造具估計攤徵各冊結

另行詳

題外謹循例開單合詞恭摺具

奏伏乞

皇上聖鑒敕部查照施行再江南河道總督係臣李星

沅兼署合並陳明謹

奏 道光二十八年十一月二十四日具

奏

硃批該部知道單併發欽此

動項補造風損撥船摺子

奏爲勘明撥船運料風損循例動項補造仰祈

聖鑒事竊照裏河外南二廳經管關撥船各一百隻在  
於黃運兩河常川撥糧運料遇有風損向係隨時  
查明取結專案咨部一面發銀補造工竣造冊咨  
銷前准部咨嗣後修造撥船務須比較近年捐船  
最少之數據實請銷並飭將近年前後請修隻數

隨案聲明以憑稽考又准部咨補造風損撥船銀

數在五百兩以上者奏明後再行咨部辦理各等  
因遵照在案茲據河庫道法良淮揚道查文經會  
詳稱裏河廳船夫岳光富等撥船十二隻外南廳  
船夫王鶴林等撥船十隻實係道光二十六年撥  
運柴料先後行至高家馬頭禦黃壩池上地方黃  
河中流遭風損壞板片柴料漂淌無存照例飭行  
該管廳縣汛員勘驗結報將風損船隻字號花名  
開摺送道覆查屬實竝無捏混情事所有每隻照

依原造減准工料銀一百六十一兩九錢六分二釐九毫以上兩廳共船二十二隻通共需銀三千五百六十三兩一錢八分三釐八毫卽請發辦歸額應用開摺具詳請

奏前來臣查前項風損撥船二十二隻既據該管廳縣汛員勘驗結報竝經該道等查無捏混應請准其照例補造以濟撥運所需工料銀兩在於河庫撥船生息本款銀內動給飭令趕辦完整除將送

到風損船隻字號花名清摺聲明上屆二十五年  
風損隻數隨案咨部竝飭取具勘結分咨外所有  
勘明補造船隻緣由謹恭摺具

奏伏乞

皇上聖鑒敕部核覆施行再江南河道總督係臣兼署  
合併陳明謹

奏 道光二十八年十二月初一日具

奏奉



硃批該部議奏欽此

淮南成災各場應需接濟摺子

奏爲遵

旨查明淮南成災各場來春應需接濟恭摺奏祈

聖鑒事竊道光二十八年十月初三日奉

上諭本年江蘇淮南各場竈被淹被潮來春應否接濟之處查明於封印前奏到等因欽此當經札行運司

欽遵確查去後茲據兩淮鹽運使但明倫詳稱查

明通州分司所屬之呂四掘港泰州分司所屬之

富安安豐梁埽東臺何埽丁溪草堰劉莊伍祐新  
興廟灣等十三場本年被潮被水成災八分七分  
業蒙

恩旨分別蠲緩給賑目前無虞失所惟積水涸復較遲  
未能一律播種各丁停煎日久來春口食無藉民  
依不免拮据請按煎鹽埽場每大埽給穀二石小  
埽給穀一石於鹽義倉存穀內動撥等情具詳請  
奏前來臣覆加察核係屬實在情形合無仰懇

天恩俯准將呂四等十三場被災竈戶於來春青黃不  
接之時按照煎鹽大小埤場分別撥穀散放俾資  
接濟感沐

皇仁益無旣極除飭運司查明埤場應撥穀數另行詳  
請各部外臣謹會同江蘇巡撫臣陸建瀛合詞恭  
摺覆

奏伏乞

皇上聖鑒謹

李文恭公奏議

卷十九

江督

六

奏 道光二十八年十二月初一日具

奏奉

硃批候旨行欽此

附奏賑卹鹽屬災區動撥銀穀各數片子

再本年兩淮鹽場被潮被水前經臣查明通州泰

州兩分司所屬之呂四掘港富安安豐梁垛東臺

何垛丁溪草堰劉莊伍祐新興廟灣等十三場成

災八分七分極次貧竈分別照例給賑初關用本

色穀石二關用折色銀兩奏奉

俞允在案茲飭據兩淮鹽運使但明倫督查呂四等十

三場被災竈丁大小戶口遵照定例極貧給賑兩

箇月次貧給賑一箇月初關極次兩項共需本色  
穀一十一萬三千三百六石一斗請於鹽義倉存  
穀內動撥二關極貧一項其計折色銀一萬七千  
三百八十二兩三錢八分二釐五毫於運庫徵存  
鹽課內動支等情具詳前來臣覆核無異除批飭  
分別撥給督率分司場委各員領回散放務期貧  
竈咸沾實惠不准浮濫滋弊仍責成運司親往抽  
查倘有冒混卽行嚴參竝咨部查照外所有賑卹

鹽屬災區動撥銀穀各數相應附片陳

奏伏乞

皇上聖鑒謹

奏

硃批認真妥辦欽此



揀員請補阜甯縣知縣摺子

奏爲揀員請補沿河要缺知縣恭摺具

奏仰祈

聖鑒事竊照阜甯縣知縣屠元瑞請調上元縣知縣所遺阜甯縣知縣係繁疲難兼三沿河要缺地當海濱每多匪徒出沒訟獄較繁必須精明強幹熟悉河務之員方足以資治理臣等於現任知縣內詳加遴選非現居要缺卽人地未宜惟查有候補知

縣顧思堯年四十一歲甘肅舉人大挑一等奉

旨以知縣用籤掣南河道光二十四年六月到工防汛  
出力二十七年十月奉

旨免其借補以沿河知縣補用該員年強才穩樸實勤  
明以之請補阜甯縣知縣洵堪勝任與例亦符合  
無仰懇

天恩俯准以顧思堯補授阜甯縣知縣於河工地方均  
有裨益如蒙

俞允該員係候補知縣請補知縣銜缺相當毋庸送部  
引

見亦毋須查造參罰據藩臬兩司會詳前來謹循例合  
詞恭摺具

奏伏乞

皇上聖鑒訓示再江南河道總督係臣李星沅兼署毋  
庸會銜合併陳明謹

奏 道光二十八年十二月初一日具

奏奉

硃批另有旨欽此內閣奉

上諭李星沅陸建瀛奏揀員請補沿河要缺知縣一摺  
著照所請江蘇阜甯縣知縣員缺准其以顧思堯補  
授該部知道欽此

附奏委署華亭縣知縣片子

再署華亭縣事金壇縣知縣王清渠聞訃丁憂所遺華亭縣知縣要缺查有補用直隸州知州江陰縣知縣金咸堪以委令接署又江都縣知縣陳第誦現經調省另有差委事件所遺江都縣缺係沿河繁要之區查有准補句容縣知縣許道身堪以飭委署理據江蘇兩藩司會同臬司先後具詳前來除分飭遵照外謹合詞附片陳明伏乞

聖鑒謹

奏

硃批覽欽此

覆奏承審案件各員竝無積壓摺子

奏爲遵

旨查明覆奏仰祈

聖鑒事竊臣等接准部咨欽奉

上諭李星沅等奏候補知府審案出力懇恩鼓勵一摺  
江蘇候補知府鍾殿選於派審案件先後審結命盜  
重案計三百十四起之多尙屬出力著加恩遇有江  
蘇安徽合例應補知府缺出奏請補用以昭激勸惟

功過必須並舉賞罰乃克持平勤能者固應保升闕  
冗者豈容竊位今鍾殿選旣已清釐積案多起其積  
壓者究係何員豈可置之不問仍著李星沅等按數  
查明分別參辦俾昭公允等因欽此仰見我

皇上覈實持平周詳訓示臣等踴誦之下惶悚交深當  
卽欽遵飭據蘇州藩臬兩司轉行蘇州府澈底覆  
查適值該府桂超萬先期委署蘇松糧道交卸鍾  
殿選接署未便自行查覆旋奉



欽差吏部右侍郎福濟等來蘇調核冊卷查係提省發  
審及解省翻供竝引例更正案件與<sub>臣</sub>等原奏相  
符行令自行速查覆

奏<sub>臣</sub>等伏查候補知府鍾殿選前在蘇州等府幫同  
審結各案內提省發審京控省控案一百四十起  
提省發審情節較重人命盜雜等案五十八起解  
省翻供發審命盜等案九十七起情罪稍有未協  
委令查例更正命盜等案十九起以上共三百十

四起惟前任邳州知州張心淵相驗不實審供不  
確業已專案奏參其餘間有承審提解遲延亦已  
查取職名隨案附參奉部議結此外實無積壓錯  
誤之員所有遵

旨查明緣由謹合詞恭摺覆

奏伏乞

皇上聖鑒謹

奏 道光二十八年十二月初一日具

奏奉

硃批該部知道欽此

奏報南河四道辦理另案各工動用銀數摺子

奏爲核明徐州淮揚淮海常鎮四道屬各廳道光二十八年霜降止辦理另案各工實在動用銀數循例彙總開單恭摺具

奏仰祈

聖鑒事竊照每年伏秋大汛各廳搶辦另案新工嘉慶八年准工部咨令於霜降後核明銀數彙奏一次以憑考核又道光十五年九月內准工部咨欽奉

上諭嗣後每年彙奏清單務遵奏定限期無論奏咨各  
案彙爲一冊等因當經前河臣查明請照東河章程  
截至霜降之日爲止將霜後所辦各工歸入次年  
清單開列專摺

奏奉部咨議准各在案所有徐州淮揚淮海常鎮四  
道屬各廳道光二十八年霜降止辦理另案培築  
堤壩堰戩鑲埽拋石挑河撈淺修閘啟閉壩堰樓  
護補砌甃石等工均經前河臣潘錫恩隨時督率

道將廳營分投辦理穩實節次

奏報鈔摺咨部茲據該管各道分案造冊呈送前來

共七十二案內估定辦理者工竣後經前河臣勘

驗其隨時辦理者先由各該道查量具報復經臣

確核刪減其計用銀二百一十八萬七千一百二

十一兩零按冊查核均與原估及勘准冊案相符

除飭另造印冊詳送次第具

題送部外謹將徐州淮揚淮海常鎮四道屬各廳道

光二十八年霜降止辦理另案各工動支錢糧實  
用銀數循例彙開清單恭呈

御覽仰祈

敕部查核施行再動用歲加五寸錢糧增培堤工因非  
另案工程向來不列清單嗣於道光十八年經工  
部議令歸入另案清單一律比較遇有興辦年分  
於彙奏摺內聲明等因所有本年江防廳辦理前  
項工程現已遵照列入清單此外尙有山安海防

海安海阜四廳增培長堤本年

奏准先辦六成業經報竣惟工程尙未驗收未便預  
入清單應俟新任河臣楊以增到任赴工查驗有  
無草率偷減另行開單具

奏以昭核實合併陳明伏乞

皇上聖鑒謹

奏 道光二十八年十二月初一日具

奏奉



硃批工部知道片單併發欽此

查明南河四道工用銀數比較往年開單摺子  
奏爲查明道光二十八年分徐州淮揚淮海常鎮四  
道屬另案工用銀數循例比較開單恭摺具

奏仰祈

聖鑒事竊照嘉慶二十一年准工部咨凡河道另案工  
程於三汛後將一年統用銀數彙奏一次並將上  
三年另案所用銀數分晰比較以備查核又於道  
光十五年九月准工部咨欽奉

上諭歲修工程銀有定額與舉大工事非常有均照舊不入比較外其另案工程嗣後每年彙奏清單務遵奏定限期無論奏咨各案彙爲一冊其比較上三年原從清單而出毋庸分爲兩事致滋歧異著該河督附摺聲明比較另立一單等因欽此又於道光十八年三月准工部咨議覆題估江防廳道光十六年動用歲加五寸錢糧加培堤工案內行令嗣後將前項工程歸入另案清單一律比較等因歷經遵

辦各在案除將本年霜降止各廳另案工段銀數  
核明彙總開單另摺具

奏外統計徐州淮揚淮海常鎮四道屬道光二十八  
年分另案各工連江防廳加培堤工共用銀二百  
一十八萬七千一百二十一兩零比較道光二十  
七年另案各工共用銀二百七十八萬五千兩零  
本年計少用銀五十九萬七千八百七十九兩零  
比較道光二十六年另案各工共用銀二百九十

五萬三千五百二十四兩零本年計少用銀七十  
六萬六千四百零二兩零比較道光二十五年另  
案各工共用銀三百三十萬四千八百八兩零本  
年計少用銀一百一十一萬七千六百八十七兩  
零謹遵部定章程將各道屬用銀數目分晰比較  
開具清單恭呈

御覽爲此繕摺具

奏伏乞

皇上聖鑒謹

奏 道光二十八年十二月初一日具

奏奉

硃批工部知道單併發欽此

籌備防守凌汛事宜摺子

奏爲節交凌汛籌備防守事宜並河湖水勢工程平穩情形恭摺具陳仰祈

聖鑒事竊照江境黃河自交霜降水勢漸消外南廳順黃壩誌椿現存水三文四尺尾閘通暢上下各廳工程均屬平穩惟節交冬至時已嚴寒應防河工凌汛經臣通飭各廳營於迎溜埽前密挂擋凌椿把並多備打凌器具船隻如遇冰凌絮結立即敲

打推行並將兩岸堤根積水疏導歸河凡灘面串  
刷溝槽分別築壩編柳以資堵截洪澤湖水霜後  
日漸報落所有山盱智信二壩及禮字河早經堵  
閉仁字河亦早斷流義河越壩工程前據報至十  
一月二十日南北兩岸已築長四百九十丈當經

附

奏在案茲截至二十六日止續據稟報又築成長一  
百二十四丈連前南北兩岸共築成長六百一十



四丈核計工次已足三分之二臣日逐加緊嚴催  
如無烈風冰凌可期迅速合龍現查高堰誌椿存  
水一丈零二寸足備來春濟運下游淮揚水勢亦  
尙充盈未凍回空軍船暢行無阻日盼風色順利  
卽可全數入江惟因丹徒運河淺澀自十一月二  
十七日起循舊改由橫閘進口催令飛挽歸次謹  
將籌防凌汛竝水勢工程情形恭摺陳

奏伏乞

皇上聖鑒謹

奏 道光二十八年十二月初一日具

奏奉

硃批知道了欽此

附奏廳營賠修缺口錢糧免其造報片子

再查本年裡河廳運口汎張王廟南岸兩次堵築  
缺口所用錢糧係

奏明著落廳營全賠前據該廳稟請免其造報經前  
河臣潘錫恩批准在案應請毋庸開單具

奏以省案牘合併附片奏

聞伏乞

聖鑒謹

奏

硃批覽欽此

審擬在逃拒捕殺人重犯摺子

奏爲拏獲在逃拒捕殺人盜犯審明定擬恭請

王命先行正法會摺

奏祈

聖鑒事竊照徐州府屬毗連皖豫山東素爲匪徒出沒之所臣等檢查冊檔有捻匪馬淙禹縱紅等搶劫抗官拒捕殺斃多命一案逸犯尙多未獲節經嚴飭查拏旋據徐州鎮道督同營縣將案犯郝六一

名掣獲解省飭委江甯府知府徐青照審明擬議  
由署江甯藩司積喇明阿勘解前來臣李星沅督  
同在省司道親提研鞫緣祁六籍隸蕭縣游蕩度  
日道光二十二年四月初六日祁六因知已獲正  
法之馬淙禹縱紅起意結捻恃眾劫掠卽投入捻  
內爲匪同夥一百五十餘人七月初八日前署蕭  
縣知縣吳蕊元會同把總歐陽紹祖拏獲捻夥卅  
貴等四人押解回縣縱紅起意糾同該犯祁六等

持械奪犯拒傷把總歐陽紹祖並兵丁二名將苗  
貴等奪回祁六在場幫同奪犯並未傷人十八日  
馬淙禹因被蕭縣坊快李奎查拏有嫌起意糾邀  
該犯祁六等將李奎尋獲砍傷放走二十一日祁  
六又聽從馬淙禹等行劫商邱縣事主劉尙重店  
舖拒傷鄰佑該犯在場助勢八月二十三日祁六  
隨同馬淙禹等竄入安徽宿州境內向鄉民訛錢  
滋擾經營縣追捕於二十七日逃至亳州官吉寺

地方四省兵役會齊兜拏蕭縣事主王維嶽亦帶  
領親族協力追捕馬淙禹縱紅喝令拒捕當時拒  
殺王維嶽之堂姪王月雇工王三斜子及其親族  
二十七人竝宿州差役五名蕭縣捕役一名內邢  
六戮死一人不知姓名該匪等亦被兵役格殺二  
十五人各自逃散各省兵役分投追拏將縱紅馬  
淙禹等陸續拏獲解經前漕臣周天爵李湘棻前  
撫臣孫善寶等訊明分別擬以凌遲斬梟先後



奏咨在案該犯祁六因聞拏嚴緊各處躲避茲復潛蹤逃回卽被文武員弁兵役拏獲稟解來省訊悉前情嚴詰不移案無遁飾查例載強盜殺人並積至百人以上不分會否得財奏請審決梟示等語此案祁六投入捻匪馬淙禹幅內聚至百人以上隨同行劫訛詐抗官奪犯拒捕殺人實屬同惡相濟應請照強盜殺人例擬斬立決梟示該犯在逃年久未便再稽顯戮臣於審明後卽恭請

王命飭委署江甯藩司積喇明阿臣標中軍副將松安

將該犯綁赴市曹卽行處斬傳首犯事地方懸竿示衆以昭炯戒該犯逃後訊無知情容畱得規包庇之人應毋庸議未獲逸犯飭緝獲日另結除錄供咨部外所有審明定擬緣由謹合詞恭摺具

奏伏乞

皇上聖鑒敕部核覆施行謹葉

奏 道光二十八年十二月初五日具

奏奉

硃批刑部知道欽此

審擬結捻匪徒摺子

奏爲拏獲結捻拒捕匪徒審明分別定擬恭摺會

奏仰祈

聖鑒事竊照捻匪薛葛來等在邳州地方拒殺山東鄰  
城縣差役景四等三命獲犯薛葛來等內止六名  
係屬正犯一案經臣等據實

奏參欽奉

諭旨前署邳州知州候補知縣謝範卿著摘去頂戴雷

於地方會同勒拏餘犯等因欽此欽遵飭據該署州

會同山東江蘇營縣委員續獲魏三亂子等三十

一犯除薛葛來魏三亂子等二十六犯已由山東

省審明擬結外將張喜得等十一犯押解來省飭

委江甯府知府徐青照審明由署江甯藩司積喇

明阿議擬解勘前來臣李星沅親提研鞫緣張喜

得張方來王三氣姚繼賢高逢音卽高奉銀王魁

鮑小程五姜三王馬商玉籍隸山東及邳州等州

縣游蕩度日道光二十七年正月間張喜得張方  
來王三氣姚繼賢高逢音投入山東省擬結之魏  
麻仔幅內爲匪生事同夥人數或分或合竝無一  
定二月初三日張喜得與在逃幅夥張風在邳州  
葛家廟地方遇見素識之卡黑四聲言張喜得等  
入幅爲匪訛錢不允卡黑四欲拏送官張喜得用  
刀拒傷卡黑四左後肋卡黑四轉向張風捉拏張  
風殺傷卡黑四心坎身死二十六日張喜得張方

來王三氣在山東鄒城縣地方會遇山東省擬結  
之幅夥張長春告知總幅首李貫五邀同張長春  
等至事主禱耀芳家訛得京錢二十四千張長春  
嫌少不依禱耀芳許俟次日付給張長春恐其食  
言邀同張喜得張方來王三氣竝山東省擬結之  
魏三亂子彭大雨張嗎薛二運翟連沅姜敢謝三  
虎王四王小拔李樹王成安趙萬傅雪萬三狗譚  
玉劉猛虎張雨徐保郭從善徐成明馮四趙劉珠

薛隨起解安兒郭喬陳新程廣彥王三咬劉夫安  
沈破臉李英劉芳庭吳洪江李鬧王得蘇順卞源  
管柱魏麻仔殷二木孟繼信薛葛來張悅張瑞光  
趙道趙溺程學趙二黑黃禿仔在逃之李貫五蔡  
接運唐四稜仔唐錢唐娃共五十八人各持槍械  
齊抵譙耀芳家訛索譙耀芳先期糾同譙運成等  
在家防守不允給錢並向捉拏張長春喝令拒捕  
各犯允從王成安薛隨起點放烏槍轟傷譙耀芳



倒地張長春姜敢各用刀砍傷禚耀芳當時身死

將屍撩入井內魏三亂子等各用槍刀拒斃禚運

成丁景祥竝拒傷馮三等一齊逃至村外經禚耀

芳之鄰族秦安等趨至幫捕張長春又喝令魏三

亂子等各用刀槍將秦安韓孝得呂克煥拒斃竝

將禚文等拒傷逃散張喜得張方來王三氣均在

場助勢十一月初三日張喜得張方來王三氣姚

繼賢高逢音聽從魏三亂子夥同張嗎薛二運姜

敢謝三虎王四王小拔李樹王成安高狗孟繼有  
薛葛來張瑞光王科與在逃之唐四稜仔唐錢唐  
娃唐悅丁三狗丁傳寅丁兆黃保丁希安高牛劉  
第二程麻仔共三十一人持械出外搶奪行至鄰  
城縣地方經差役景四喬萬節趙芳魁等追捕至  
邳州沙埠莊地方張嗎喝令魏三亂子薛二運姜  
敢薛葛來張瑞光王科將景四喬萬節趙芳魁亂  
砍身死張喜得張方來王三氣姚繼賢高逢音均

在場助勢初六日張喜得張方來王三氣高逢音  
聽從薛葛來夥同張嗎薛二運姜敢謝三虎王四  
王小拔李樹王成安高狗魏朝露魏麻仔孟繼信  
趙二黑王科丁傅寅高牛要三要四要麻仔高逢  
春高逢昔張和尚共二十七人持械外出搶奪行  
抵蘭山縣橫山地方趙二黑被巡役楊守和趙立  
山管廷法拏獲經楊守和將趙二黑押解送縣薛  
葛來等瞥見糾同張嗎等追奪趙立山管廷法攔

阻薛葛來起意拒捕魏麻仔姜敢孟繼信共砍趙  
立山身死張嗎謝三虎將管廷法砍傷張喜得張  
方來王三氣高逢音在場助勢此張喜得等聽從  
結捻節次訛索拒捕在場助勢之情形也道光二  
十七年七月王魁起意邀允鮑小程五姜三王馬  
商玉及在逃之趙淋邵三馮小王小福李大牙結  
捻搶奪是月二十八日王魁邀允原夥十一人各

帶器械搶得銅山縣事主朱朝美家錢物馬匹王

小幅用拳拒傷朱朝美之母朱張氏右眼胞趙淋  
用木棍拒傷朱朝美之弟朱朝仲右手背左右膝  
右腿等處攜蹶逃散八月三十日王魁又糾允鮑  
小程五姜三土馬商玉趙淋馮小王小幅李大牙  
竝另案監斃之郭四忙牛與不識姓名三人各帶  
器械搶得銅山縣事主朱廷桂家銀物驢馬俵分  
各散此王魁等起意結搶奪之情形也各該事  
主屍親報縣許緝經等會摺奏參奉

旨將前署邳州知州候補知縣謝範卿摘去頂戴留於  
地方勒拏卽據先後獲犯提省發審按擬詳解親  
提覆鞫據供前情不諱案無遁飾查例載山東省  
拏獲匪犯審有執持器械結捻聚眾搶奪得財不  
論贓數多寡四十人以下十人以上爲首擬斬立  
決爲從發新疆給官兵爲奴又山東省匪徒如有  
結幅聚眾四十人以上帶有軍器在市鎮集場窺  
視殷實人家訛索得財不論贓數多寡爲從發新

疆酌撥種地當差又犯罪事發官司差人持票拘捕如有逞兇拒捕殺死差役爲從在場助勢未經幫毆成傷者發極邊足四千里充軍又律載其毆人致死以致命傷爲重下手致命傷重者絞監候餘人杖一百各等語此案王魁糾允鮑小程五姜三王馬商玉等結捻聚至十人以上執持器械疊次搶奪拒傷事主均應從重問擬王魁請照山東省匪徒結幅搶奪得贓不論贓數多寡十人以上

爲首斬決例擬斬立決鮑小程五姜三王馬商玉  
照爲從例發新疆給官兵爲奴王魁程五姜三王  
馬商玉五犯均已監斃應毋庸議張喜得張方來  
王三氣聽從結捻聚眾至五十八人訛索事主譙  
耀芳家未經得財將譙耀芳等殺死又拒殺郟城  
縣差役景四等及蘭山縣差役趙立山各案該犯  
等均止在場助勢應從重問擬張喜得張方來王  
三氣請照山東幅匪聚眾四十人以上帶有軍器



訛索得財不論贓數多寡爲從例俱發新疆酌撥  
種地當差高逢音卽高奉銀聽從結捻拒殺鄆城  
縣差役景四等及蘭山縣差役趙立山兩案姚繼  
賢聽從結捻拒殺鄆城縣差役景四等一案均止  
在場助勢聚衆亦不及四十人均請依犯罪事發  
官司差人拘捕如有逞兇拒捕殺死差役爲從在  
場助勢未經幫毆成傷例發極邊足四千里充軍  
以上遣軍各犯內張喜得尙有其毆卞黑四身死

一案僅認及傷右後肋其致命重傷誘諸逸犯張  
風旁無證佐應請監候待質又王三氣尙有其毆  
王玉庭身死一案罪止擬杖惟據另案匪犯王三  
秃仔共指該犯爲同夥訊不承認又姚繼賢亦與  
王三秃仔案互有牽涉又高逢音另有據邳州民  
吳興邦指控擄人勒贖一案竝准山東省於日照  
縣匪徒訛搶案內吞提訊供游移應將該三犯發  
回徐州府提同王三秃仔吳興邦質明再將高逢

音解歸山東省分別從重完結張方來尙有擄捉  
韓文標一案罪止擬軍應歸此案擬結與鮑小均  
照例刺字發配再姜三王馬解至宿遷清河王魁  
商玉程五在江甯縣監先後病故驗訊竝無凌虐  
別情應毋庸議逸犯飭緝獲日另結至張喜得等  
聽從張嗎在邳州拒殺郟城縣差役景四等三命  
同夥三十一人前署邳州知州謝範卿當獲張喜  
得等六名嗣於被參後又協同拏獲魏三亂子等

十三名獲犯過半兼獲首犯並獲同夥及另案匪  
犯十八名尙知愧奮合無仰懇

天恩將前署邳州知州候補知縣謝範卿給還頂戴免  
其畱緝除全案供招咨部查核外謹合詞恭摺具  
奏伏乞

皇上聖鑒訓示謹

奏  
道光二十八年十二月初五日具

奏奉

李文恭公奏議

卷十九

江督

頁六

硃批刑部議奏欽此

請將升任游都暫緩引 見摺子

奏爲海洋緝捕緊要請將升任遊擊都司守備暫緩引

見恭摺奏祈

聖鑒事竊照川沙營守備毛正和請升蘇松鎮標左營  
遊擊又蘇松鎮標中營守備陳其恕請升掘港營  
都司又福山鎮標左營千總龔成良請升蘇松鎮  
標左營守備又川沙營千總周振海題補蘇松鎮

標右營守備先後接准部咨行令赴部引

見自應遵照陸續給咨赴部恭候

欽定惟查江蘇洋面時有盜船出沒伺劫節次追捕獲  
犯尙未一律肅清現當會合搜剿正需得力將備  
分途差遣所有毛正和陳其恕龔成良周振海四

員應行引

見之處相應照例請

旨展限竝請

飭部先給署劄開其底缺俟捕盜事竣再行赴部仍容  
臣會同提臣詳加察看倘各該員緝捕不力卽嚴  
行指參治罪以肅水務理合恭摺具

奏伏乞

皇上聖鑒訓示謹

奏  
道光二十八年十二月初五日具  
奏奉

硃批另有旨欽此內閣奉



上諭李星沅奏海洋緝捕緊要請將升任遊擊都司守  
備暫緩引見先給署劄開其底缺一摺著兵部查議  
具奏欽此

附奏勒休都司千總片子

再查洪湖營都司吳鶴泉在任兩年緝捕不能得力近復時有疾病又常州營右軍千總王殿魁人甚軟弱不能約束兵丁均難望其振作雖無別項劣蹟未便稍事姑容據該管將備揭報前來相應請

旨將洪湖營都司吳鶴泉常州營右軍千總王殿魁一併勒令休致謹會同江南提督臣尤渤附片

奏參伏乞

聖鑒訓示謹

奏

硃批另有旨欽此內閣奉

上諭李星沅奏請將都司等官勒令休致等語江南洪湖營都司吳鶴泉緝捕不能得力近復時有疾病常州營右軍千總王殿魁人甚軟弱不能約束兵丁均難望其振作吳鶴泉王殿魁著一併勒令休致該部

知道欽此

李文恭公奏議

卷十九

江督

頁

大員前往核實點驗如有草率偷減情弊卽將承辦之員嚴參著賠除飭取造估計冊結照例詳辦竝將上屆修造年分另繕清單咨部查照外理合循例恭摺具

奏伏乞

皇上聖鑒敕部核覆施行謹

奏 道光二十八年十二月初十日具

奏奉

硃批該部議奏欽此

山盱義河越壩廂築工竣摺子

奏爲山盱義河越壩廂築工竣日期恭摺奏祈

聖鑒事竊照山盱廳境義河於十月二十七日起越堵  
情形及先後進占丈尺節節附片具

奏臣以工程較大責成該管淮揚道查文經認真稽  
查竝專派淮揚河營遊擊安振業前往會率廳營  
慎重攢辦先將壩基築成外廂護埽隨卽晝夜進

占復經臣疊札飛催不容刻緩茲據稟報於十二

月初二日未刻挂纜合龍普律加廂跟澆後戩悉  
臻穩固查義河繞越圈築原估工段九百五十三  
丈比較歷屆最長深水工居其半當未經堵築之  
先羣議必請另款爲數甚鉅臣堅持不行因湖水  
重運攸關要工當務爲急卽於十月二十七日飭  
該廳營興堵彼時高堰誌椿存水一丈二尺四寸  
較道光二十一年十二月初六日二十三年十一  
月二十八日興堵計早三四十日不等較上兩屆



水誌亦多存水八寸及一尺三寸不等河工風氣  
浮僞竝不考核舊章動輒造言傾軋每出情理之  
外臣一力屏除嚴切督飭惟以及時興辦工堅費  
省爲斷幸值天氣晴和廳營同深奮勉歲事尙爲  
妥速查道光二十三年堵合係正月初九日此次  
較早月餘約計實用銀數亦可撙節數萬兩除批  
飭淮揚道查明工段丈尺核實驗收造報外仍卽  
循舊於裡首趕築直壩一道以作重障竝咨新任

河臣楊以增就近勒限督催所有義河越工廂築  
完竣日期理合恭摺具

奏伏乞

皇上聖鑒謹

奏 道光二十八年十二月初十日具

奏奉

硃批知道了欽此

附奏在籍尙書捐資助賑片子

再據在籍丁憂前任兵部尙書何汝霖遣家人李升呈稱本籍江甯地方本年夏秋江潮異漲被水成災仰蒙

皇上痼瘼在抱賑撫兼施閭省紳民同深感戴今因念切桑梓謹措捐紋銀二千兩就近交藩庫兌收以充賑需不敢仰邀議敘等語可否准其就近交納江甯藩庫謹附片據情代

奏伏候

命下遵行謹

奏

硃批另有旨欽此內閣奉

上諭李星沅陸建瀛奏在籍丁憂前任兵部尙書何汝霖捐銀二千兩以備本省賑濟等語著准其就近交納江甯藩庫兌收何汝霖情殷桑梓踴躍輸將著交部從優議敘欽此

附奏派員查賑片子

再本年江蘇省各屬賑務臣等欽遵

諭旨嚴飭該管司道督令府縣會同委員核實妥辦惟恐各該員賢否不齊復經遴委大員分往嚴密抽查茲據署淮安府知府胡調元轉據署鹽城縣知縣焦肇瀛稟稱該縣查賑委員上岡司巡檢張震試用未入流紀煥遴候補主簿湯致中於分派鄉莊查放賑票辦理未能周妥竝聞有鄉地人等歛

錢捐票之事現已撤回提審另委接查趕放不致  
遲誤等情竝據專委抽查之候補道陽金城及該  
管司道先後稟揭前來查該委員張震等承查鹽  
城縣賑務自應實心經理乃至任聽鄉地人等索  
費捐票難保無授意染指情事必應澈底嚴究從  
重懲辦以儆其餘除飛飭准揚道就近摘傳灾戶  
訊取確供將緊要人證解赴江蘇臬司衙門審辦  
外相應請

旨將鹽城縣上岡司巡檢張震試用未入流紀煥遴候  
補主簿湯致中一併革職歸案訊辦至鹽城縣查  
賑委員既有辦理不妥之處此外各災區尤當慎  
之又慎嚴益加嚴以冀實惠及民力祛流弊仰副  
我

皇上愛育黎元之至意謹合詞附片具

奏伏乞

聖鑒訓示謹

奏

硃批另有旨欽此內閣奉

上諭李星沅陸建瀛奏查賑委員辦理不妥請旨革審  
等語江蘇鹽城縣上岡司巡檢張震試用未入流紀  
煥遴候補主簿湯致中於分派鄉莊查放賑票辦理  
既未能周妥復任聽鄉地人等斂錢措票顯有授意  
染指情事似此庸劣之員必應澈底究辦懲一儆百  
閩閩方沾實惠張震紀煥湯致中均著革職交該



督等從重懲辦以儆其餘竝著該督等另委監司大員督率抽查務期力祛積弊以慰朕念切民依之意所有原派之候補道陽金城著不准其派委欽此

附奏擒獲洋盜片子

再江蘇兵勇各船會同浙江舟師九次在洋生擒盜匪八十六名擊殺及落海身死者不計其數牽獲盜船八隻擊沉盜船五隻救回商船三十二隻難民一百二十餘人均經臣等先後


奏報在案茲又據上海道縣稟報各水勇會同江浙水師官兵於十一月初九日追至浙江東崑山洋面見有盜船多隻開礮轟擊該盜匪亦合力抗拒

自辰至未牽獲盜船兩隻生擒盜匪二十二名打  
斃投海者四人救回難民八名勇目王繼高被礮  
轟傷身死另有受傷六名等情除再飛飭合力搜  
捕不准稍爲鬆勁並將被拒受傷身死之勇目王  
繼高咨部議卹受傷勇目酌賞銀兩調治務痊盜  
犯提省嚴究盡法懲辦外所有第十次獲犯緣由  
謹附片陳明伏乞

聖鑒謹

奏

硃批知道了欽此



覆奏新定籌用章程力求有利無弊摺子  
奏爲新定籌用章程力求有利無弊恭摺具

奏仰祈

聖鑒事竊

臣

接准部行道光二十八年十一月十五日

內閣奉

上諭前因戶部奏籌備庫款一摺當派宗人府大學士  
軍機大臣會同戶部妥議茲據王大臣等議定准駁  
并仍會同戶部另議章程五條開單具奏朕詳加披

閱尙屬周妥總之有治人無治法窮變通久全在因  
時制宜除實有不便於民者准該督撫奏明外其餘  
令在必行諒不敢莠言亂政等因欽此跪讀之下仰  
見我

皇上執兩用中權衡至當於變通盡利之道殷卹民求  
瘼之咨下忱曷勝欽服臣伏思法無久暫待人而  
行治有經權以時爲大蓋因民之所利而利之卽  
以美利利天下也惟利與弊相因有利不能無弊

與其補救於事後莫若預絕於事先故當慎初惟  
終尤當思艱圖易此次王大臣會同戶部另議章  
程五條胥得裕

國便民之要奉

旨令在必行洵無不可行者竊以事關重大務期行之  
久遠毫無流弊自不憚再三詳慎其效芻蕘如錢  
糧積欠一條應行澈底核辦非清查不能截數非  
抽查不能見真誠得



欽使巡行立可破除徇隱惟清查重在彌補如江蘇州縣向多墊銀完漕而以漕尾作抵此外官虧役欠待追待變之款率皆列爲存庫非盡實在現銀恐日久套搭漸成虛帳是以

奏請清查節經撫臣會同飭辦必先釐定款目分別有著無著現官本省外省核實照數催追不肯任其決裂計奉

欽使抽查自須彌補以後彼時已由藩司依限提銀造

冊報撥竝不存畱屬庫似應以藩司撥冊部中執  
爲定案指撥不能應解卽行從重究懲若

欽使遠來周歷外郡文案則冗繁難理官員則接替靡  
常既未能專駐一隅致顧此而失彼卽不免暫支  
一候仍暮四而朝三行者有跋涉之勞居者以送  
迎爲事追逋而外恐益差徭此積欠可藉抽查而  
抽查宜有利無弊也如漕糧折色一條奉行原有  
成例自可著爲新章一便糧戶之輸將一省幫丁

之津貼事半功倍無過於斯現議准米折銀以百萬石爲率統計有漕省分爲數無幾亦極簡易可行應與撫臣咨飭商辦惟州縣本折兼收原爲幫費之用銀錢究無定數各視地方情形裒多益寡若榜示定價折收解部則必通省一律多者不見少而少者乍見多且必全數徵銀正當銀價日昂遞年分成加展尙須預爲計及至

天庾之儲最關鉅要奉天河南陝西各省雖可循案採

買然或年景不等糧價不等運脚不等招商海運  
更難懸定數目似應由

盛京將軍河南陝西巡撫於來歲先行試辦商販商  
買能否津市雲集共得糧石若干京倉支放有餘  
外省再定成數折銀解部此漕糧可收折色而折  
色宜有利無弊也如長蘆山東酌改鹽法一條現  
經

欽派王大臣前往查辦必能詳定規模折衷

乾斷以興禹筮之利非臣所敢與議如河工節浮費裁

冗員一條東南兩河臣實專其責臣於兼署河督

任內曾以欲絕虛糜當除浮費附片縷陳併各廳

汛冗缺應與南河督臣會查再定如礦廠可廣開

採一條臣所轄江西省舊有封禁山與浙江福建

接壤每歲三省總兵會哨巡查現在有無礦苗能

否開採應與江西撫臣閩浙督臣撫臣體察情形

會商妥辦亦非臣所能遽議臣所兢兢持議者實

願天下大利

聖主爲民間之民爲

聖主守之卽興利以除弊斯利賴者無窮事前防範愈周事後推行愈廣自知蠶管無補高深而犬馬愚誠亟思竭千慮之一得可否願懇

鴻慈飭下廷臣復加採擇核議施行如臣言一無可取徒煩

聖聽併求

俯賜罷斥以爲莠言亂政者戒謹繕摺具

奏伏乞

皇上聖鑒訓示謹

奏 道光二十八年十二月初十日具

奏奉

硃批另有旨欽此內閣奉

上諭李星沅奏酌議新定籌用章程力求有利無弊一摺著原議王大臣會同戶部核議具奏欽此

密陳考語摺子

奏爲循例密陳考語仰祈

聖鑒事竊照提鎮司道府等官例由總督各就所轄省  
分於每年十二月出具考語密行陳

奏臣渥蒙

重寄奉職兩江業經一載有餘每念民生兵力之要圖  
文恬武嬉之積習非得人不能其理非知人不能  
善任臣轄境較廣寮屬較多將知人以得人固在



公而無私亦在明而無蔽公尙可以自矢明則未  
能強求夙夜兢兢惟當去私於中以期去蔽於外  
卽政事之優絀見才具之等差除江甯布政使馮  
德馨江蘇布政使程煥采安徽按察使李本仁江  
甯鹽巡道周啟運江西督糧道鄒鳴鶴江西瑞州  
府知府文海江西吉安府知府王用賓或甫經

簡擢尙未到任或甫經到任例不加考外其餘文武各

官現屆本年應奏之期謹悉就臣所知出具切實

考語密繕清單恭呈

御覽仍容臣悉心查察隨時舉劾以仰副

聖主澄敘官常之至意謹繕摺具

奏伏乞

皇上聖鑒謹

奏 道光二十八年十二月二十一日具

奏奉

硃批單片均留中欽此

彙核准南北銷鹽總數摺子

奏爲彙核准南北綱食各岸道光二十七年分銷鹽  
總數仰祈

聖鑒事竊查兩淮銷引考核前於道光二年

奏准嗣後綱食各岸按年彙核奏報如有缺銷一律  
照例開參又淮北銷引因改行票鹽請免州縣督  
銷經部議准免其考核在案茲考核道光二十七  
年分銷數湖北湖南二省額銷淮南綱鹽七十七

萬九千九百二十六引內湖南省二十二萬三百  
十六引已照額全銷湖北省五十五萬九千六百  
十引銷過鹽五十萬八千三百五引計缺銷鹽五  
萬一千三百五引又江西省額銷鹽二十七萬七  
千二百九十九引銷過鹽十四萬一千四百九十  
四引計缺銷鹽十三萬五千八百五引又江南安  
慶等府州共應銷淮南綱食引鹽三十三萬八千  
二百八十五引銷過鹽二十三萬三千四百四十

引計缺銷鹽十萬四千八百四十五引又江南鳳陽等府州縣額共應銷淮北綱食引鹽二十九萬六千九百八十二引內除安徽鳳陽潁州二府屬泗州六安二州屬河南汝甯府屬光州屬江蘇淮安徐州二府屬海州屬其四十州縣皆已改行票鹽按額溢銷應免考核外其餘各州縣共應銷鹽八萬一千六百二十引內已銷鹽六萬七千五百六十七引計缺銷鹽一萬四千五十三引據兩淮

鹽運使但明倫會同兼護江南鹽巡道江甯府知府徐青照將缺銷之湖北江西暨江安兩省各州縣分案造具經接督銷鹽道州縣各職名冊揭詳送前來伏查道光二十七年分各岸銷數內惟湖南河南二省係屬按額全銷其湖北江西江安等省均未銷足總緣淮鹽行銷地面毗連閩浙川粵等省鄰私四面侵灌地方文武又復堵緝不嚴致銷引多未足額現經臣咨會湖廣江西安徽各督

撫臣督飭鹽道府州縣各顧考成設法疏銷一面毋分畛域實力緝私俾得官引暢銷鹺務日臻起色除將缺銷之各鹽道州縣職名冊揭咨部議處外所有道光二十七年分淮南北綱食各岸銷鹽總數理合恭摺具

奏伏乞

皇上聖鑒謹

奏 道光二十八年十二月二十一日具

奏奉

硃批戶部知道欽此



附奏察看署總兵田浩然片子

再臣前准部咨欽奉

上諭蘇松鎮總兵卽著現署之副將田浩然署理仍由該督察看能否勝任再行據實具奏等因欽此臣查田浩然署理總兵已及一載雖洋面盜踪未能剷除盡淨尙知潔己自愛任怨任勞常川在洋督巡講求船礮如果始終弗懈以之補授蘇松鎮總兵亦堪勝任惟營員惡習自備弁至副參頗多勤奮

出力迨升任專閫輒卽養尊處優頓改前轍江省  
水師尤甚現當整飭捕務該員能否勉益加勉仍  
容臣隨時察看一有劣蹟卽行嚴參不敢稍存迴  
護謹遵

旨據實具奏伏乞

聖鑒訓示謹

奏

硃批知道了欽此

附奏查明京控咨交案件片子

再查京控咨交案件每屆半年例應查明有無承  
審提解遲延職名分別具

奏茲屆道光二十八年下半年彙奏之期據署江甯

布政使積喇明阿查明詳報前來臣查上屆奏報

截至本年六月止尙有未結如皋縣監生姜漣一

起又吳江縣民楊半溪赴京呈控咨解來江行至

直隸新城縣脫逃咨會嚴緝嗣據楊半溪抄詞投

到一起均據江蘇兩藩司先後審詳由臣分別核  
咨完結今截至道光二十八年十二月止查無京  
控咨交未結案件亦無續准之案理合附片陳明  
伏乞

聖鑒謹

奏

硃批知道了欽此

揀員請升通州知州摺子

奏爲揀員請升海疆要缺直隸州知州恭摺具

奏仰祈

聖鑒事竊照通州直隸州陳介眉欽奉

諭旨升授河南歸德府知府所遺通州直隸州知州係  
繁難沿海要缺例應在外揀選調補該州濱江環  
海鹽場雜處政務殷繁必須精明幹練之員方足  
以資治理臣等於通省現任人員內逐加選調非

現居要缺卽人地未宜惟查有江陰縣知縣金咸  
年五十一歲浙江附貢生遵例報捐知縣分發江  
蘇辦災出力奉

旨著以本班儘先補用辦理福山塘河並城垣工程出  
力奉

旨賞加知州銜

題署沛縣知縣奉部覆准未及到任丁憂服滿起復  
仍赴原省委用

奏署江陰縣知縣道光二十三年二月初四日奉文  
准署嗣因捐輸礮堤經費二十五年七月奉

旨著以直隸州知州畱於江蘇補用復捐輸江防善後  
經費二十六年十月奉

上諭著賞戴藍翎竝給予運同銜欽此臣等覆查該員  
年壯才明精勤詳慎雖未經題請實授但歷俸已  
滿三年本係欽奉

諭旨以直隸州知州補用未經離任之員以之升補通

州直隸州知州洵堪勝任且人地實在相需例得  
專摺

奏請合無仰懇

天恩俯念員缺緊要准以江陰縣知縣金咸升補通州  
直隸州知州實於海疆要缺有裨如蒙

俞允俟部覆至日照例給咨送部引

見恭候

欽定其任內一切因公處分例免核計該員係初升人



員應完罰俸銀兩飭令完繳造冊咨銷所遺江陰  
縣知縣容俟奉部知照截缺再行遴員請補據江  
蘇藩臬各司會詳前來臣等往返札商意見相同  
謹合詞恭摺具

奏伏乞

皇上聖鑒訓示謹

奏 道光二十八年十二月二十三日具

奏奉

硃批另有旨欽此內閣奉

上諭李星沅陸建瀛奏揀員升補海疆要缺直隸州知  
州一摺著照所請江蘇通州直隸州知州員缺准其  
以金咸升補照例送部引見該部知道欽此

附謝降畱片子

再臣接准部行以江蘇長洲縣知縣周沐濶卓異  
後續犯劣蹟臣於薦舉疏內曾會後銜自行

奏請議處經部議與江蘇撫臣陸建瀛均照例降二  
級調用奏奉

諭旨李星沅陸建瀛均著加恩改爲降四級畱任不准  
抵銷餘依議欽此祇悉之下感悚難名謹附片叩謝  
鴻慈伏乞

聖鑒謹

奏

硃批覽欽此

附奏委署揚州府知府片  
子

再揚州府知府吳葆晉前經

奏委兼護常鎮道篆茲該府屬辦理賑務正當喫緊之際恐難兼顧所有揚州府缺必需專員往署以資治理查有卽補知府陳延恩堪以委令接署據藩臬兩司會詳前來除批飭遵照外謹會同江南河道總督臣楊以增合詞附片具

奏伏乞

聖鑒謹

奏

硃批覽欽此

縣營應修卡房官廳庫局估需銀款摺子

奏爲縣營應修卡房官廳庫局等工估需銀款循例  
具奏仰祈

聖鑒事竊照地方一切工程前奉

諭旨暫行停止其營汛卡房演武廳等項爲兵丁棲巡  
操演要地仍准興辦茲據署江甯布政使積喇明  
阿詳稱上元縣南倉巷等二十七汛卡房又朝陽  
門城頭官廳已滿固限坍塌應修委據江甯府管

糧同知江防同知分別勘查屬實亟應修辦又東  
海營軍裝庫火藥局兵丁住房間歷年已久地  
處海濱復被風雨坍塌應修飭委漕標中營副將  
暨海州直隸州勘實結報由該縣營按例確估以  
上各工其實需銀一千四百七十九兩五錢五分  
三釐請循例在於司庫耗羨款內動給興修詳請  
具

奏前來臣查該縣營卡房官廳軍庫藥局等項爲弁



兵樓巡操演要地茲因年久損圯前修固限已逾  
既據委員勘實結報自應准其分別修辦所有估  
需銀兩仰懇

聖恩俯准在於司庫耗羨銀內動支給發除將送到勘  
結隨案咨部飭造估計冊結照例詳辦外所有請  
修各工查明上屆修造年分及估計銀數另繕清  
單恭呈

御覽理合循例恭摺具

奏伏乞

皇上聖鑒敕部核覆施行謹

奏 道光二十八年十二月二十三日具

奏奉

硃批工部議奏單併發欽此

請將沛縣寨子堰工程歸東河廳員管理摺子

奏爲沛縣寨子堰工程緊要擬請循案歸東河廳員  
管理以重修守而專責成恭摺奏祈

聖鑒事竊照沛縣境內夏鎮池南自劉昌莊與山東滕  
縣交界起北至呂壩三孔橋止計長一千二百餘  
丈其運河西岸之寨子等處逼近昭陽湖皆屬民  
堰歷屆借

帑修理攤徵還款內惟劉昌莊北首之馬便汪官堤

一道計長二十丈係東河泃河廳汛專管該處形

勢內河外湖中隔官灘民堰卽築在臨湖官灘之

上從前十字河山水陡發寨子堰工被冲水落灘

露補築尙易自道光二十五年以後疊遇異漲將

臨河大灘冲成坑塘以致帶倒民堰吸溜入湖濱

湖呂壩一帶民田廬墓冲失殆盡本年六月暴漲

冲漫甚至浙江幫船在滕縣境內彭口閘守候啟

板遂至淌入湖中臣等與山東撫臣均經

奏明有案是該處已成險工今昔情形迥異據沛縣  
士民以堰歸民築原衛田廬近因田沒水中民力  
已竭難任攤徵之苦呈由徐州府知府李正鼎親  
詣勘明十字河爲全漕必由之路專仗彭口閘下  
板蓄水濟運若寨子堰一帶地方湖河相連彭口  
閘下板水歸湖中十字河別無蓄水之處必致重  
運淺阻不前徧詢附近紳耆僉謂上年修理雙乳  
滾壩水由壩門西去甚爲得力若能在馬便汪呂

壩等處多設滾壩分洩洪流可期事半功倍惟創  
修改建皆隸東河該士民等困苦失業委難責令  
承辦事關蓄水行漕沛縣鞭長莫及議將寨子堰  
工照河南武陟民堰之例請歸東河一手經理等  
情當經<sub>臣</sub>等批飭徐州道確加覆勘會司詳辦卽  
准東河河<sub>臣</sub>鍾祥來咨以先接<sub>臣</sub>楊以增據稟咨  
商因查寨子民堰地屬江南卽使須建滾壩應由  
江省動款辦理竝歲修經費必須預計東河無款

可籌又准前任南河河臣潘錫恩咨稱沛縣境內河道工程悉係東河所管各等因一併轉行去後茲催據徐州道韓椿親勘情形均與府稟相同繪具圖說會詳請

奏前來臣等查寨子堰向歸民辦原爲保衛田廬今旣遇漲逼濶冲刷過深糧地盡歸烏有勢難再資民力補築攤徵而該處運河爲四百萬漕運所經專藉堤堰瀦蓄設任湖河相連十字河不能蓄水

濟運所關甚重沛縣河道工程本屬東河泇河廳  
專汛似難以地在江境稍有拘泥况歸東歸江同  
需

帑項與其責令沛縣辦理相離較遠且地方官未悉  
工程自不若援照成案卽歸河工廳員就近修守  
爲正辦其應如何添設滾壩分籌蓄洩無誤漕行  
相應請

旨敕下東河河臣核議辦理竝請將寨子堰及閘壩工



程改歸泃河同知經管以專責成實於漕運生民  
均有裨益謹合詞恭摺具

奏伏乞

皇上聖鑒訓示謹

奏 道光二十八年十二月二十六日具

奏奉

硃批另有旨欽此內閣奉

上諭李星沅楊殿邦楊以增陸建瀛會奏民堰工程緊

李文恭公奏議

卷十九

江督

真箇

要循案請歸東河廳員管理一摺江南沛縣寨子堰  
工現既漲溜逼刷糧地冲失自難資民力補築且該  
處爲運道所經關繫甚重沛縣河道本屬東河泇河  
廳專汛所有寨子堰工程該督等請改歸泇河同知  
經管之處及應如何添設滾壩分籌蓄洩各事宜著  
鍾祥察看情形勿分畛域核議具奏欽此

輪屆修造撥船估需銀款摺子

奏爲輪屆修造撥船估需銀款循例奏祈

聖鑒事竊查淮關於乾隆五十三年捐造撥船三百隻  
交裡河外河二廳收管爲撥運漕糧河工料物之  
用歲需大小修及拆造經費在於發交兩淮鹽商  
生息銀內動用核銷續經酌定章程將前項撥船  
派交裡外河同知各管一百隻其餘一百隻撥給  
邳州經管以備貓兒窩一帶水淺處所撥運漕糧

在案茲據河庫道法良淮揚道查文經徐州道韓  
椿詳據外河同知邳州知州會詳稱經管撥船二  
百隻內除歷年風損及毋庸請修船隻外截至道  
光二十七年實輪應外河廳邳州拆造船六十九  
隻外河廳大修船一隻小修船五隻其計拆造大  
小修撥船七十五隻俱係經年在黃運兩河撥糧  
運料擊浪衝風往來梭駛船身腐朽罅裂篷索器  
具多有損壞亟應分別修造由該道等飭委府廳

逐船查驗復加親勘無異所有外河廳邳州拆造  
撥船六十九隻每隻工料銀一百三十三兩三錢  
五分四釐三毫外河廳大修撥船一隻工料銀三  
十兩又小修撥船五隻每隻工料銀十五兩通共  
銀九千三百六兩四錢四分六釐七毫核與例價  
相符應請在於淮商生息本款銀內動給修造以  
濟撥運開摺請

奏前來

臣

等伏查前項撥船爲撥運漕糧河工料物

之用歲需修造經費向於生息本款動用報銷今  
道光二十七年輪屆修造船隻既經飭委府廳查  
驗復由該管各道親詣查勘損壞屬實應請准其  
動項修辦以資撥運除將送到清摺咨部查照外  
謹合詞循例恭摺具

奏伏乞

皇上聖鑒謹

奏 道光二十八年十二月二十六日具

奏奉

硃批工部議奏欽此

附奏堵築義河直壩片子

再據淮揚道查文經稟據山盱廳營稟稱義河直壩已於十二月十九日戌刻僭堵合龍湖水現尙報長截至二十日誌椿存水一丈零四寸等語

臣

查義河越壩前經堵合直壩又復告竣辦理全工頗爲迅速湖水亦計日報長惟天時冬曠雨雪過少長江水勢遞落淮源正未可知來春重運經臨總須預籌儲蓄有備無患凡挑挖塘河及疏刷臨



黃涵洞各事宜臣仍咨會河臣飛催道將督率廳  
營認真妥速興辦不准稍涉大意謹附片陳明伏

乞

聖鑒謹

奏

硃批知道了欽此